



ყოველკვირეული საზოგადოებრივი, სამეცნიერო და სალიტ. გაზეთი
№ 17 14 სექტემბერი 1908 წ. ფასი 10 კ.

შინაარსი: სააკადემიო წლის დაწყების გამო. — გზა-და-გზა (კიდევ ჩვენი ქვეყნის ავტონომია). — სხვა და სხვა ამბები — ჩვენი. — რუსეთში. — ოსმალეთი. — სპარსეთი. — მალა წრეში (პიესა) განისა. — ბრძოლა (ლექი), ბაბ. — ისა. — წერილი მოსკოვიდან, იგ. — ძისა. — პასუხი ანს. — „ზურდულის“ მეპრესეს, ოსისა. — უმაღლეს სასწავლებლის მდგომარეობა. — სვ. კანდ. — ისა. — ღუშეთის მაზრა, ოსისა. — პროვინცია: ხონი. — ქუთაისის ქრონიკა. — მაშ მართალია? პარ. — სისა. — მანცხადებანი.

რედაქცია ამით აცხადებს, — ვინც
„**გ ა ნ თ ვ ა ლ ს**“
წასული თვეების ნომრებით, ან მხოლოდ პირველი სექ-
ტემბრიდან გამოიწერს წლის ბოლომდე, მიიღებს
პრემიას პოპულიარულ სამეცნიერო სტა-
ტიებისა და მოთხრობათა
— **პრემიულს** —
რომელიც დაახლოებით შეიცავს 200 გვერდს.

სააკადემიო წლის დაწყების გამო.

ყოველ სამოსწავლო სააკადემიო წლის დამდეგს მშობლებისა, მოსწავლეთა და მთელ საზოგადოების განსაკუთრებული ყურადღება მიქცეულია ხოლომე სწავ-
ლა-განათლების საქმეზე. წელს ამ საქმისადმი ყურად-
ღება კიდევ უფრო გაცხოველებულია, თუ კი შეიძლება
ცხოველ ყურადღებაზე ლაპარაკი ამ რეაქციის საერთო
დამოუკიდებლობის დროს. თვითონ მრავლობას
მაინც არა სძინავს და იგი თითქმის განგებ ცდილობს
საზოგადოებრივი ყურადღებას გააძლიეროს და გააღი-

ზიანოს. რომელ სამინისტროს ეკუთვნის ამ საქმეში
პირველობა, ძნელი გამოსაცნობია, მაგრამ სწავლა-
განათლების სამინისტროს რომ უკანასკნელი უდგირი
არ უქირავს, ცხადია. ბ. ნი. გვარცი, რომლის გამინისტ-
რება თავის დროზე დიდის ამბით მიღესასწაულა
„ქეშმარიტ რუსობამ“, ბეჯითათ, სისტემატიურათ და
დაუღალავათ მოქმედებს, რათა ამიერიდან სასწავ-
ლებლებს მისცეს ისეთი მდგომარეობა, როგორიც „ჯერ-
არს“.

თუ განმათავისუფლებელ მოძრაობის დროს მკი-
რეოდენი ნაბიჯი იქნა გადგმული, რათა სკოლა და
ცხოვრება ერთმანეთისათვის დაეხლოვებინათ, დღეს
მათ შორის კვლავ ითხრება უფსკრული. პედაგოგიურ
საბჭოების უფლებანი სისტემატიურათ იზღუდება და
ბათილდება. მშობლების წრეებს ეკრძალებათ სკოლის საქ-
მეებში რაიმე მონაწილეობის მიღება. ყველანი და ყველა-
ფერი, სკოლის ყოველივე ნაბიჯი უჭკმედებადდება ცენ-
ტრს პეტერბურგში. და რადგან პეტერბურგიდან მთელი
იმპერიის სკოლების ხელში დაქვემდებარება, ამიტომ
ფართოვდება პოლიციის უფლებანი. პოლიციის ეგალება
ფხიზელი თვალ-ყური ადევნოს მოსწავლე ახალ-გაზღობის
მთელ ზნეობა-ყოფაქცევას სკოლის გარეთ. და რომ

პოლიციის გაუადვილდეს „თანამდებობის“ შესრულება მოსწავლენი ვალდებული ხდებოდა ყველგან სასკოლო ფორმის ტანსაცმის ატარებდნენ. სამინისტრო კიდევ უფრო მეტ მზრუნველობას იჩენს უმაღლეს სასწავლებლებსადმი. მოგვსენებათ, უნივერსიტეტის ავტონომიამ თითქმის უკვე „ჩაიღუპა“ წყალი დალია“ და კვლავ უბრუნდებიან 84 წ. „უსტავს“. უმაღლეს სკოლების კარებიც ფართო იღება პოლიციისათვის. მოსწავლე ქალებისათვის კი იკრძალება თითქმის სრულიად იხურება. არც მასწავლებლები და პროფესორები არიან მთავრობის „მზრუნველობის“ გარეშე დატოვებული. თანახმად სენატის ცნობილ დადგენილებსა (სახელმწიფო სამსახურის და მთავრობისადმი ოპოზიციონერობის მოუთავსებლობისა) სახალხო განათლების სამინისტრო უკვე სამსახურიდან ითხოვს ყველა იმ მასწავლებლებსა და პროფესორებს, რომელნიც ეკუთვნიან ოპოზიციონურ პარტიებს. ზედმეტათ, იმ პროფესორებს, რომელთაც ერთხელ წილათ ხვდათ ვიბორგის საქმეში მონაწილეობის მიღება, სამინისტრომ წინადადება მისცა ხელწერილი დასდონ, რომ იგინი აღარ შევლენ „ისეთ პოლიტიკურ ორგანიზაციებში, რომელთა მიზნები და მიზწარუბანი მიმართულია მთავრობის წინააღმდეგ, რომელთა მიწრაფება არ ეთანხმება მთავრობის მოქმედების პროგრამას“. ამ ხელწერილის დადებაზე, რიც თვით ოქტომბრის ტემის გაზ. „გოლ. მოს.“ აზრითაც მოწმობა იქნებოდა პროფესორების პოლიტიკურ უწვლავანობისა, ამ ხელწერილზე ჟარს აცხადებენ: პეტერბურგის უნი—ის პროფესორები და მოსკოვის უნი—ის პროფესორები ჰურამცევი, კოტლიარევი, კოკოშკინი, ნოვოგოროდცევი და შერშენევი. ასე რომ საუკეთესო პროფესორებს უნივერსიტეტიდან აძევებენ.

ყველა ზემოთ ნათქვამს ისიც დასძინეთ, რომ წელსაც, როგორც ყველა სააკადემიო წლის დამდეგს, სწავლას მოწყურებული ახალ-გაზდობა ასობით და ათასობით უკან დააბრუნეს ადგილების, ვაკანსიების უქონლობის გამო და ეს მაშინ, როცა მთავრობა მილიონობით ხარჯავს სამხედრო მიზნისათვის, ჯავშნიანი გემების ასაშენებლად, თუნდაც ამისათვის მას სახელ. დუმის ნებასურვილის წინააღმდეგ უხდებოდეს წასვლა.

თუ ასეთია სწავლა-განათლების საქმის მდგომარეობა საკუთრივ რუსეთში, ცხადია, როგორი-ღა იქნება იგი „განაპირა ქვეყნებში“, სადაც სკოლას გარდა პირდაპირ მიზნისა—კეთილსამიერო ჩინოვნიკების, მოხელეების აღზრდისა—დაკისრებული აქვს აგრეთვე გარუსების, ნაციონალურ გადაგვარების მისია! აქ ხომ მთავრობა პირდაპირ ეუბნება ხალხს: თუ არა გნებავთ გარუსება გაბძანდით სკოლიდანაო, და აქი კიდევაც „მიბრძანდებიან“ ასეა მაგ. პოლონეთში. გეხომებათ, რომ ამ საპიოდე წლის წინათ, როცა ბოზოქრობა განმთავისუფლებელი მოძრაობა, პოლონელმა ბავშვებმა ნამდვილი „ჯვაროსანთა ომი“ გამოუცხადეს რუსულ სკოლას. გაფიცვები და ბოიკოტი სწრაფად მისდევდნენ ერთმანეთს,

ამის პასუხად მთავრობამაც „ლოკაუტი“ დაარტყა და ბოლოს ვარშავის უნივერსიტეტიც დახურა. წელს ეს უკანასკნელი კვლავ გახსნა, მაგრამ, რასაკვირველია, ისევ წმინდა რუსულ გემოზე. ამიტომაც წელს ვარშავის უნივერსიტეტში—თუმცა იქ მიაწყდა რუსეთის სხვა და სხვა კუთხის სემინარიელები—მაინც სამჯერ ნაკლები სტუდენტია წინანდელთან შედარებით. თუ წინათ 15,000-დე იყო, წელს 500-დე ჩამოვიდა სტუდენტთა რიცხვი, და რაც უფრო საყურადღებოა, ამათში პოლონელები შეადგენენ მხოლოდ 10%-ს. პოლონეთის ახალ-გაზდობა ისევ საზღვარგარეთ არჩევს გამგზავრებას, ვინც თავის დედა ქალაქში, მაგრამ რუსულ უნივერსიტეტში ყოფნას...

ჩვენ ხომ თვლითაც არ გვანახებენ არაერთარ უნივერსიტეტს. მთელ კავკასიას, ათ მილიონ ხალხს, ერთი უმაღლეს სკოლისათვისაც კი დღევანდლამდე უღირსათ სცნობენ... და ხომ არც საშუალო და დაბალი სკოლები გვაქვს მოქარბებული. აი თუნდ შემთხვევით აღებული გაზეთის №-ში რას ვკითხულობთ: „ფოთის ამშები, აქაურ სასწავლებლებში მოწაფეების უზომო დევნა; ვაკანსიები ცოტაა, მთხოვნელები კი ბევრი. მაგ. ქალთა გიმნაზიის მეორე კლასში ოთხის მისაღები ვაკანსიაა და მთხოვნელი კი 75 აღემატება, ასევე არის ფოთა გიმნაზიაში და დაბალ სასწავლებლებში“ („ეკალი“ № 7). ყველა ამას დასძინეთ ისიც, რომ ჩვენ თითქმის არც ერთი სასწავლებელი არ მოგვეპოება ისეთი, რომელსაც ნამდვილი ნაციონალური სკოლა ეთქმოდეს, რომ თვით დაბალი ტიპის სკოლებიდან სასტიკათ იღვენება საშობლო ენა, რომ ხშირათ ჩვენ სკოლას, რომელმაც გაბედა სამშობლო ენაზე სწავლება, კარბზე კლიტეს ადებენ და ზედ აწერავენ „იძლევა ქიროთ!“ ანუ მოწაფეებს გარეთ ერეკებიან და შიგ შეყავთ სალდათები, სკოლას კაზარმათ ხდიან...

განვსჯერეთ ამ შეგბნელ, სავალალო მდგომარეობას და უნებურათ გვინდა სამართლიანი გზა-კვალი ვუკუთხოთ ხოლერას, ამ სილატაკისა და უმეცრების ავთმყოფობას, რომელიც ასეთი ხშირი სტუმარი გავვიხდა და თითქოს აღარც ფიქრობს როდისმე მიატოვოს რუსეთის სახელმწიფოს კარ-მიდამო. წელს იგი თვით იმპერიის სატახტო ქალაქში, ბრწყინვალე პეტერბურგში ატრიალებს თავის „მალდიან“ ცელს... შავი სიკვდილი! აი რის წინაშე დგავაყენა ძველმა რეჟიმმა. ამ რეჟიმის მოსპობა, აი ეს და მხოლოდ ეს იქნება სათავე სიცოცხლისა... ვერც სწავლა-განათლების საქმე და ვერც სხვა რაიმე საკითხი ვერ გადაწყდება იმ დრომდე, სანამ არ გადაწყდება სახელმწიფოს ძირითადი საკითხი, სანამ არ დაკმაყოფილდება ქვეყნის საღვთისო კარდინალური მოთხოვნილება—რუსეთის იმპერიაში უნდა განხორციელდეს დემოკრატიული კონსტიტუცია, „განაპირა ქვეყნებს“ უნდა მიენიჭოს ავტონომია!

სხვა გზა არ არსებობს შევლა-ხსნისათვის!

გზად გზა.

VI

კიდევ ჩვენი ქვეყნის ავტონომიაზე.

ჩვენ კელი თუმცა პირდაპირ არ აპოზს, მაგრამ მისი ფელეტონებიდან აშკარაა, რომ უკეთეს წინ წამოდგება კავკასიის ანუ ამიერ-კავკასიის ავტონომია, მაშინ უეჭველათ იძულებული ვქნებოდით მოგვეთხოვა ამ ქვეყნის კანტონალური მოწყობილობა, ე. ი. განსაზღვრული საკანონმდებლო დეცენტრალიზაცია, და რადგან უკანასკნელი თურმე ვერ ვგუება კაპიტალიზმის გარდაუდებულ მიდრეკილებას ცენტრალიზმისაკენ, აი ამიტომაც ა. ჩვენ კელი, რასაკვირველია, უარყოფს ამ ქვეყნის ავტონომიის საჭიროებას, და მასთან ატანს საოლქო თვითმმართველობასაც. მისი აზრით საოლქო თვითმმართველობის განხორციელება შესაძლებელი გახდება მხოლოდ იმ დროისთვის, როცა რუს. მთავრობის „ქლივი ხელი“, რომელიც, მოგვხსენებათ, არ არის ჩვეული ხავერდის ხელთათმანს და რომ კონსტიტუციონურ მთავრობასაც არ უყვარს დიდი ცერემონია გროვულ საკითხებში, ეს თვითონ ჩვენ კელმაც შეგვატყობინა—როცა—ვაპოვებთ—რუსის მთავრობის ცხოველ-მოქმედ თათები ერთმანეთში გათქაფადა, გაერთიანდება კავკასიის ერებს, ერთი მხრივ, და რუსეთსა და ყველა ამ ერებს მეორე მხრივ.

მაგრამ, როგორც უკვე დავინახეთ ერთ წინა წერილში, კაპიტალიზმის აბსოლიუტური მიდრეკილება ცენტრალიზმისაკენ არ არის სწორე და ეს ჩვენი განცხადება იმდენათ მართალია, რომ თვითონ ჩვენ კელი დამოლოს იძულებულია მხარი დაუჭიროს სახელმწიფოებრივ, საკანონმდებლო დეცენტრალიზაციას, რამდენადაც საქმე ეხება ნაციონალ-კულტურულ საკითხებს. იგი სწერს: „უმწვერვალესათ საჭიროა, რომ ქართველ ერს ჰქონდეს საკუთარი ორგანო, რომელიც დაფუძნებული იქნება სახელმწიფო პრინციპზე. (კურსივი ჩვენი) უამისოთ ყოველი ნორმალური ზრდა—განვითარება ჩვენი მრეწველობისა და სწავლა განათლებისა ქვეშაზე აგებული კომპი იქნება.“ („შურდული“, № 3) სწორეთ ასე, სწორეთ ასე, ამხანაგო!

ა. ჩვენ კელი საერთოდ საკმაო მზრუნველობით ეკიდება ქართველ ერს. იგი ამას კავკასიის სხვა ერებზე მაღლა აყენებს კულტურულათ და სპაროლიანათაც. თუ კავკასიის სხვა ერები ჯერ არ მომწიფებულან საოლქო თვითმმართველობისათვის, სამაგიეროთ საქართველო ამისათვის უკვე კარ ხანია მზათ არის. „მაშ კითხულობს ჩვენ კელი—რაღა დაგვიშლის „სანამ პეტრე მოვიდოდეს, პავლეს ტყავი შევანარჩუნოთ“ ბევრი რამეც რომ გვიშლიდეს ამას, ჩვენ მაინც უნდა შევასრულოთ ჩვენი მოვალეობა და აი ჩვენ კელიც მოითხოვს, რომ „სანამ ამიერ-კავკასიის საოლქო ერთეული გვედირსებოდეს, საქართველო ერთეული თვითმმართველ მხარეთ იქნას აღიარებული“ („ხომლი“, № 21)

საქართველოს უნდა მიეცეს ადგილობრივი, ადმინისტრაციული თვითმმართველობა და აპასთანავე „ქართველ ერს უნდა ექნეს საკუთარი პარლამენტი“ (ჩვენ კელი „შურდ.“ 3). მაგრამ მისი აზრით ამ პარლამენტის კომპეტენცია არ უნდა სცილდებოდეს „სწავლა-განათლება კულტის დარგს“ (იქვე). ამ რიგათ, ა. ჩვენ კელი შუაგზაზე ჩერდება. და ეს მიუხედავად იმისა, რომ თვითვე აღიარებს ქართველობის განსაკუთრებულათ ხელსაყრელ მდგომარეობას,—რომ ქართველ ერს მოვბოება საკუთარი ტერიტორია, რომ საქართველოს მცხოვრებთა დიდი უმრავლესობა ქართველობა არის და ასევე ანუ უფრო მეტი პროცენტი იქნება მომავალშიაც, რომ „საქართველოს სხვა ერებიც, რამდენათაც ისინი უხსოვარ დროიდან დამკვიდრებულან ჩვენს მხარეში: სომხები, ჯრები, ოსები, თათრები, ბერძნები და სხვები შესისხლბორცებული არიან ქართველებთან და ლაპარაკობენ უკანასკნელთა ენაზე. თვალსაჩინოა აგრეთვე ახლათ ჩამოსახლებულთა რაოდენობა, მაგრამ გადაჭარბება აქაც ლადილოა. აუარებელი ჯარი და მოხელეთა დიდი უმრავლესობა არ არიან მისათვლელი მკვიდრებზე“ („ხომლი“, № 23) ამასთანავე, ქართველობა იმდენათ დაწინაურებული ერია,—აღიარებს ჩვენ კელი—რომ იგი ვეღარ ეტევა ძველ ბიუროკრატიულ ხოქიქში და იგი წინ უსწრებს ყველა კავკასიელ ერებს. მიუხედავად ყველა ამისა, საქართველოს საკანონმდებლო თვითმმართველობის სფერაში ჩვენ კელი—როგორც ვთქვით—მაინც ვერა სცილდება სწავლა-განათლება კულტის (ღვთის მსახურების) დარგს და სრულ უფლებიანობისაკენ ამოძრავებულ ქართველ ერს იგი წინ ეღობება—არა, ტყვილათ ეპოტინებო... უნებურათ გვაგონდება ქართველი ხალხის თქმულება: „ავი არ მაკადრიანო, კარგი არ მაღირსიანო!“

მართალია ა. ჩვენ კელი ერთ ადგილას გადაჭრით ამბობს, რომ „ქართველ ერს“ უნდა მიენიქოს „არამც თუ განმანათლებელი, არამედ ყველა კულტურული“ ფუნქციები, რაიც გულისხმობს ზრეთვე სოციალ-ეკონომიურ დარგებს, და იგი ამ განცხადებას იქვე, ცოტა ქვემოთ, ხაზსაც უსვავს: **ქართველები თითონ უნდა განაგებდნენ ყოველ კულტურულ—და აქედან სოციალ-ეკონომიურ და ეროვნულ—საქმეებს**“ („ხომლი“ № 21). მაგრამ ეს სრულიად ფუქი და ამოო ფრაზაა, რადგან მისი ავტორი თავის ფელეტონების დასასრულს მაგი ასოვებით სწერს: „სწავლა განათლება-კულტის“) **დარგში ქართული პარლამენტი ქ. თფილის-**

*) აქ ეს ტერმინი, როგორც ხედავთ, ნახმარია ფართე მნიშვნელობით, ე. ი. ნაშულისხმევია საზოგადოებრივ ცხოვრების ყველა სფეროები.

**) უნდა შევნიშნათ, რომ კულტი, ე. ი. ღვთის მსახურება აქ ზედ-მეტათ არის ჩაჩხირული. თუნდ საქმე მართლ ნაციონალ-კულტურულ ავტონომიაზე შეჩერდეს, ჩვენ უნდა მოვიტხოვდეთ, რომ ამ კულტურულ ავტონომიის განმარტებელ პარლამენტს უეჭველათ ჩამოერთვას კულტის ყველა საქმეები და ეს გადაეცეს საქართველოს ავტოკეფალიურ კლესიას.

ში“, არც მეტი, არც ნაკლები ცხადია „ქართველ ერს“ სხვა არაფერი არ უნდა გააჩნდეს გარდა „განმანათლებელ ფუნქციებისა“. ჩვენკელის აზრით ქართველ ერს არ უნდა ჰქონდეს არაერთი საკანონმდებლო უფლება არაერთი სოციალ-ეკონომიურ დარგებში, და თვით ადმინისტრაციული მართვა-გამგეობის ორგანიზაციის შემუშავება და დაწესება სავსებით უნდა ეკუთვნოდეს რუსეთის ცენტრს, სახელ. დუმას. ასე რომ ამ ქვეყნისთვის უაღრესად მნიშვნელოვანი საკითხები უნდა სწავდებოდეს საქართველოს ხალხის დაუკითხვით (აქ მოსატანი არ არის ის გარემოება, რომ სახ. დუმაში ჩვენ ხალხს ორი კაცი წარმომადგენელი ჰყავს და თუნდ ორის ნაცვლათ იქ თხუთმეტი ყოფილიყო, იგივე ითქმებოდა) უნდა შეენიშნათ, რომ ჩვენკელთან შედარებით თითქმის უფრო მეტი ლიბერალიზმია და „რადიკალიზმია“ გამოიჩინა კავკასიის ნამესტნიკმა, როცა მან ამ სამიოდ წლის წინათ მოიწვია ადგილობრივ ხალხის წარმომადგენელთა კრებები იმაზე სათათბიროთ, თუ როგორი თვითმართველობის შემოღება სურდა ამ ხალხს.

მერე რატომ ჩერდება ჩვენკელი შუა გზაზე, რა მოსაზრებით, რა საბუთებით უარჰყოფს იგი საქართველოს სრულ საკანონმდებლო თვითმართველობას? (ისეთ მოსაზრებებზე, როგორც არის კაპიტალიზმის განვითარების ინტერესები, სადამოყენო „პალოები“ და სხ. აქ აღარ შევჩერდებით, რადგან ამაზე უკვე შევნიშნეთ წინა წერილებში). მაიავარი საბუთი ის არის, რომ ქართველობა უკვე... საკმაოდ ამაღლებულია კულტურულათო! მკითხველი, რასაკვირველია, არ დაიჯერებს, რომ ეს მართლა ჩვენკელის ნათქვამი იყოს და ამიტომ მოვიყვანოთ მისი საკუთარი სიტყვები: „კავკასიის ბევრი სხვა ხალხები—სწერს იგი—ჩამორჩენილი არიან ქართველებზე კულტურულათ, კიდევ ამიტომ მათ განსაკუთრებული უფლებები აქვთ მინიჭებული სამოქალაქო და სისხლის სამართლის საქმეებში. ქართველებმა გაიარეს ეს დაბალი (sic) საფეხური,—მათ არ ეჭირებათ ასეთი განსაკუთრებული უფლებები მდგომარეობა“. („ხომლი“, № 19) დაგვეთანხმებით, რომ ეს ძალიან ჰგავს რუს ბიუროკრატ—ჩინოვნიკურ მსჯელობას. განსხვავება მხოლოდ ის არის, რომ რუსი ჩინოვნიკისთვის იმპერიის ამა თუ იმ ხალხის „განსაკუთრებული უფლებები მდგომარეობა“ ნიშნავს ამ ხალხის უფლებისა და კანონს გარეშე დაყენებას, ჩვენკელი კი, რა თქმა უნდა, იმის მომხრე ვერ იქნება, რომ კულტურულათ ჩამორჩენილი ხალხი კნუტსა, მათარხს თუ ხიშტებს დაუპირიქილო და იქ, კანონისა და უფლების ნაცვლათ ძალმომრეობა და თვითნებობა გაამეფო; მასადამე მისთვის „განსაკუთრებული უფლებები მდგომარეობის“ საპიროება უნდა ნიშნავდეს ამ ხალხისთვის ავტონომიის აუცილებელ საპიროების აღიარებას. მაგრამ ჩვენ უკვე ვიცით, რომ ჩვენკელი კავკასიის არც ერთ სხვა ხალხებს არ ანებებს ავტონომიას. იმიტომ ხომ არა, რომ იგინი კულტურულათ ქართველებზე ჩამორ-

ჩენილი არიან? ხოლო ქართველებს კი უარს ეუბნება ავტონომიაზე, რადგან ესენი უკვე ამაღლებულნი არიან კულტურულათ! როგორცა ხედავთ, ეს რაღაც ბიუროკრატიული „კაპრიზი“ (გინიანობა) გამოდის. ჩვენკელი უარჰყოფს საქართველოსათვის საკუთარ კანონმდებლობის საპიროებას სამოქალაქო და სისხლის სამართლის საქმეთა სფერაში, რადგან, თუნდ ასეთი არსებულიყო კიდევ, იგი მაინც რუსების კოდექსიდან გადიწერდა კანონებს. და ეს იმ მოსაზრებით, ვითომ საქართველოში დღეს იგივე სოციალ-ეკონომიური ვითარება იყოს გამეფებული, როგორც შიდა რუსეთში. მერე ამას რითი ამტკიცებს? აი მოისმინეთ რითი: „როგორც შიდა რუსეთში, ისე საქართველოში, გაბატონებულია ბურჟუაზიული სოციალ-ეკონომიური ვითარება, რომლის დამახასიათებელი არის: კერძო საკუთრება, საქონლის წარმოება—ცვლა ან ფულის მეურნეობა, იჯარა და დღიური ხელფასი“ (იქვე)—ახიარებულია თქვენმა მხემ! მერე კერძო საკუთრება, ფულის მეურნეობა და სხ. სადღა არ არის დღეს გამეფებული! მაშ მოვითხოვთ, რომ ყველგან გამეფდეს ერთი და იგივე კოდექსი კანონებისა! და ან კი ჩვენი მოთხოვნა რათ უნდა იყოს საჭირო? რატომ ინგლისელები, გერმანელები, ფრანგები და სხვა. არ გააუქმებენ თავის საკუთარ პარლამენტებს, ან ამათ ზოგიერთ ფუნქციებს, რაღათ ხაჯავენ ზედმეტ ფულს და რატომ პირდაპირ რუსეთის კანონებს არ ითარგმნიან, ევროპიელნი ხომ ქვეყანი და მასთან ხელმოამქირნე ხალხია?..

სახელმწიფო საქმეში ასეთი ზერელე მსჯელობა, თქმა არ უნდა, ყოვლად შეუწყნარებელია. თავის თავათ ცხადია, რომ სხვა და სხვა ტერიტორიაზე მცხოვრებ ერების სოციალ ეკონომიური ვითარება არ არის და არ შეიძლება იყოს ერთი და იგივე. კიდევ და კიდევ, **მხვავსება** არ არის **იგივეობა**. მაგრამ, ფანტაზიის დახმარებით, წარმოვიდგინოთ, რომ საქართველოსა და შიდა რუსეთში დღეს ერთი და იგივე სოციალ-ეკონომიური ვითარებაა, მერე ვინ და რა იქნება თავდები იმისა, რომ ეს იგივეობა ხეაღვე არ დაირღვევა და რუსეთს არ გაასწორობს საქართველო და ან საქართველოს—რუსეთი? (ჩვენ შეგვიძლიან დავამტკიცოთ, რომ რუსეთს ძალიან მალე და თვალსაჩინოთ წინ გაუსწოვდა საქართველო კერძოთ და კავკასია საერთოთ, უკეთუ ამ ქვეყანას მიენიჭებოდა ავტონომია) და რომ სხვა და სხვა სოციალ-ეკონომიური ვითარებაში არ შეიძლება, მავნებელია არსებობდეს ერთი და იგივე კანონები, ამას აღიარებს თვითონ ჩვენკელი. იგი ამ მოსაზრებით მაგ. ჩვენებურ მთიულეების განსაკუთრებულ ვითარების შესახებ სწერს: „ამისათვის ადგილობრივ თვითმართველობას დავუვალე და საბუთებული შესწორებანი ან დამატებანი წარადგინოს იქ (რუს. ცენტრალურ პარლამენტში) და ისინი ცალკე სხოლიოებში მოთავსდებიან“ („ხომლი“, 19), ცხადია იგი ამასვე იტყვის მთელ საქართველოს შესახებაც, თუ კი მას დავუშვამთ, რომ საქართველოც განსხვავდება

ტონების ბოლო სიტყვაობაში სწერს, რომ ქართველ
სოციალდემოკრატებმა თავისი გადაწყვეტილება საკუთარ
ეროვნულ საკითხის შესახებ უნდა წარუდგინოს სრუ-
ლიად რუსეთის ს.-დ. სიეზდს და თუ „პარტიულმა სი-
ეზდმა არ მოიწონა ჩვენი სპეციალური გეგმა, რა უნდა
ექნათ ჩვენი? უნდა დავემორჩილოთ ამხანაგების გადა-
წყვეტილებას“. ეს სრული შეცდომაა, და ეს ეწინა-
აღმდეგება თვით ჩვენკელის შემდეგ განცხადებას: „ქარ-
თველ ერს უნდა ექნეს საკუთარი პარლამენტი, რომე-
ლიც სრულ უზენაესობის გამოძახელობა იქნება სწავ-
ლა-განათლება-კულტის დარგში“. თუკი ქართველ ერის
საბოლოო ინტერესებისათვის მებრძოლი, მისი საუკე-
თესო მცველი—მფარველი სოციალდემოკრატია ეროვნულ
საკითხებში შეზღუდულ-დამორჩილებული იქნებო-
და რუსეთის პარტიისაგან, მაშინ ცხადია თვით ქარ-
თველ ერის უზენაესობა თვით კულტურულ საკითხებ-
შიც ყინულზე დაწერილი თამასუქი ყოფილა! თავისთა-
ვით ცხადია, რომ რუსეთის ამა თუ იმ ერის სოციალ-
დემოკრატებს არ შეუძლიან საერთო პარტიას თავზე
მოახვიოს თავისი ნაციონალური პროგრამა, მაგრამ მას
ხელშეუხებელი უფლება უნდა ჰქონდეს, ეს პროგრამა
დაიცვას, როგორც რუსეთის ცენტრალურ პარლამენტ-
ში, ისე მის გარეთაც. საერთო პარტიას კი უფლება
ექნება წინააღმდეგს ამ პროგრამას და მის მომავლინე-
ბელ სოციალდემოკრატებს მხოლოდ იმ შემთხვევაში,
თუ ეს უკანასკნელი რაშიმე უხვევს სოც.-დემ. პრინ-
ციპებს.

დასასრულ, უნდა ვაღიაროთ, რომ ა. ჩხენკელის ფელეტონები ჩვენზე ისეთ შთაბეჭდილებას ახდენს, თითქმის იგი დაწერილი იყოს მეტათ სწრაფათ და ნაჩქარევათ. ავტორს თითქმის საკმაოთ არ დაუშუშავენია თავის შეხედულება ნაციონალურ საკითხზე. იქ მრავლათ არის გაბნეული ისეთი დებულებანი და მოსაზრებანი, რომელთა ლოლიკური განვითარება აუცილებელ დასკვნებათ იძლევა იმ შეხედულებას, იმ ნაციონალურ პროგრამას, რასაც ვადგივართ ჩვენ. აი ამიტომ სრული იმედი გვაქვს, რომ ამხ. ჩხენკელი მალე სავსებით შეუერთდება და თავისი ცოდნა-ენერგიით გააზაგრებს იმ ჯგუფს, რომლის ლიტერატურული გამოცხადებელია „ალიონი“ და „ჩვენი კვალი“.

სსპ-ფ-სსპ-ამბეზი

რადგან ამ წლის 8 ნოემბერს შესრულდება 50 წელიწადი, მას შემდეგ, რაც ჩვენი მბოჲანი მგოსანი აკაკი წერეთელი სამწერლო ასპარეზზე გამოვიდა, ამის გამო „ქ. შ. წ. კ. გამაჲრცელებელ საზოგადოების“ გამგეობას რამდენიმე წეჲრში განცხადება - წარუდგინა, რომ მბოჲან მგოსანს აკაკი წერეთელს სათანადო პატივი სცენ და იუბილეი გადაუხადონ. წეჲრნი სთხოვენ გამ.

გეობას იტბილიის მოსაწყობათ ეხლავე არჩეულ იქმნა
კომიტეტი, რომელიც ამ საქმეს ითავებს.

— პირველ სათაბიროს წევრი ი. ბარათაშვილი, რომელიც ეიზენბერგის მოწოდების გამო სამი თვე ახალციხის საპატიმროში იჯდა, 7 ენკენისთვის გაანთავისუფლეს.

— ტფილისში თანდათან ვრცელდება ხოლერა.
თითქმის ყოველ დღე ემატება ავთამყოფები ხოლერიანთა
ბარაკებს. ქუჩებში უსუფთაობაა, სანიტარული კომისია
შესაფერს ყურადღებას არ აქცევს.

— კახეთიდან გვატყობანებენ: სოფ. ნაფარეულის მამასახლისის (ჩეჩენია) და მისი სტრაჟნიკის მოკვლის შემდეგ მეტათ ცუდ დღეში არიან ნაფარეულელები: უკანასკნელთ აბრალებენ მათ მოკვლას. ამ საქმის გამო დაქერილია ნაფარეულის მცხოვრები ილიკო ჩიკვაძე. ში აგვისტოს ნაფარეულიდან მოდენილა ვარდისუბნის მცხოვრები ილიკო თუშიშვილი. ალაზანს ახლო მას დახვედრია სტრაჟნიკი (მოკლულ მამასახლისის ძმა) და ვითომდა სისხლის ახადებათ, უტაცებია მუცელში ხანჯალი და მოუკლავს. იმავე დღეს სტრაჟნიკმა მოკლა კურდღელაურის მცხოვრები. სტრაჟნიკი დააპატიმრეს.

სახალხო უნივერსიტეტის ქართული სექცია აცხადებს იმ მუშების საფუარდებობით, რომელნიც შარშან სწავლობდნენ სახ. უნივერსიტეტის სკოლაში, რომ ის აზრი, რომელიც მათ მამოუყვანიათ სექციის განცხადებიდან: თითქო ისინი დათხოვნილი იყვნენ სკოლიდან, შემცდარია. მათ შეუძლიათ წელსაც ჩაეწერონ ორთავე სკოლებში, როგორც ვერაზე, ოღვის ქუჩა № 52, ავსტოვი გოგოლის ქუჩაზე № 45. მორიგეობით დეკუმრბაა მოწყობილი საღამოს 6—8 საათამდე და როგორც ძველ მოსწავლეთ, აგრეთვე ახლებსაც შეუძლიათ ჩაწერა 15 სექტემბრამდე და შემდგ. ამასთანავე უნდა აღვნიშნოთ, რომ სახ. უნივ. გამგებრბან ჯერ არ გადაუწყვეტია საბოლოოთ თუ რა ტიპის უნდა იქნეს სკოლა და რა სისტემაზე იწარმოებს სწავლა. იგი კრებს ამის შესახებ მასალებს და ამ დღეებში შეამუშავენს პროგრამას, რომელიც გაფრცოლდება მუშებში. სექციის მონდობ. მუშა სინო.

[illegible]

სიკვდილით დასაჯეს: სარაპულში—ხუთი სიმ-
ფეროპოლში—რვა, რიგაში—ერთი.

ერტს, რიგაში--ორს, ეკატერინბურგში--სამს, ბაქოში
ში--ორს.

— ექვს სექტემბრამდე პეტერბურგში ხოლგით ავათ
გამხდარა 1637, მომკვდარა 491, შორჩენილა 121, ავა-
თაა 1061. (წიგნი № 210—213).

— ქვევში უადგილობის გამო 50% ბავშვებისა არ მიიღეს სკოლებში.

— ირკუტსკის გუბ. ბურიატებმა მიმართეს თხოვ-
ნით სახელმწიფო დუმის წევრს ტ. ო. ბედლუსოვს
მუშაობა ირკუტსკის გუბ. მიწათ-მოქმედების უმთავრეს
გამგებობისა, რადგან სულაც არ იღებენ მხედველობაში
აღვდილობრივ მცხოვრებთა ინტერესებს და მათთვის სა-
ჭირო მიწებს ამზადებენ ცენტრალურ გუბერნიებიდან
გლეხების გადმოსასახლებლათ.

ბით ლუმა 1909 წ. ხარჯებათ დასჭირდება 2.723,178

ო ს მ ა ლ ე თ ი .

ეროვნულმა საკითხმა უკვე წამოყარა თავი და ის დღითიდღე უფრო და უფრო ძლიერდება.

სომხობა თხოულობს ეროვნულ სკოლას და ფართე თვითმართებულობას, ახალგაზრდა ოსმალნი ჯერ არ ფიქრობენ დათმობას და სასტიკათ იცავენ ოტომანის იმპერიის მთლიანობას.

რიცხვითა და კულტურით უფრო ძლიერი ბერძენები მოითხოვენ სომხობაზე უფრო მეტს. აქნამდის მეტადის მიერ სტამბოლის დაპყრობის დღიდან ბერძენები სარგებლობდნენ ფართე პრივილეგიებით, რომელიც თანდათან იზრდებოდა. იმათ მიიღეს საეკლესიო ავტონომია: მათმა პატრიარქატმა მოიპოვა იურიდიული უფლება სამოქალაქო საქმეებშიაც. აგრარულ, მემკვიდრულ და სხვა სამოქალაქო საქმეებს არჩევს პატრიარქატის ტრიბუნალი და არა საიმპერიო სასამართლო. ქრისტიანეთა სკოლის საქმეებში, როგორც ამას წინაზე ვწერდით, ოსმალეთის მთავრობა არ ერევოდა; ქრისტიანებს ძველი რეჟიმის დროსაც ქონდათ თავიანთი ეროვნული სკოლები, მაგრამ ბერძენები ამ მხრივაც სარგებლობდნენ განსაკუთრებული პრივილეგიებით. მათ ააგეს ბერძნული გიმნაზია, სადაც მთელი სწავლა სწარმოებდა ბერძნულ ენაზე; მაღალ სწავლას კიღებულობდნენ ათინაში. ნამდვილათ ისინი სამშობლოთ სთვლიან საზღვრებს და სულითა და გულით უნდათ, კრიტი შეუერთდეს საზღვრებს აქედან ცხადია, რომ ბერძენები შედარებით სხვა ერებთან, ძველი რეჟიმის დროსაც ცხოვრობდნენ კარგათ. კონსტიტუციას მათთვის არაფრის მიცემა არ შეეძლო თუ არ წაართმევდა. სწორეთ ეს იყო მიზეზი, რომ ბერძნული პრესა კონსტიტუციის გამოცხადების შემდეგ თითქმის ერთი კვირა ხმა გაკმენდილი იყო და არავითარ მონაწილეობას არ იღებდა საზოგადო აღტაცებასა და ენტუზიაზმში. მაგრამ ის იძულებული გახდა ხმა ამოეღო როდესაც სომხურმა გაზეთმა „მაუზაიმი ეფკიარ“-მა დაბეჭდა მკაცრი სტატია პატრიარქატისა და ბერძენების შესახებ.

ბერძენები აღელდნენ; პატრიარქატში საჩქაროთ გაიშარა რამდენიმე კრება. ამას შედეგათ მოჰყვა ის, რომ ერთ დღეს ყველა ბერძნულ გაზეთში დაიბეჭდა ბერძენთა ნაციის დეკლარაცია.

დეკლარაცია, აღიარებდა რა ოტომანის იმპერიის მთლიანობას, ადგენდა შემდეგ მოთხოვნილებას.

1) სრულათ დატულ უნდა იქმნეს ყველა ის უფლებები და პრივილეგიები, რომელიც ბოძებულია და აღიარებული სულთანების მიერ დაწყებული სტამბოლის დაპყრობიდან, ვიდრე სულთან გატტი ჰუმაინისა, 1856 წ. და 1876 წ. კონსტიტუციამდე.

2) სკოლა, როგორც დაბალი, ისე საშუალო უნდა დარჩეს ეროვნული, ე. ი. ბერძნული, იმ დროსაც თუ მას ნივთიერ დახმარებას უწყევს მთავრობა.

3) ეროვნებათა პროპორციონალური წარმომად-

გენლობა პარლამენტსა, სამინისტროსა და ადმინისტრაციას.

4) იმ ადგილებში, სადაც ბერძენები შეადგენენ მცხოვრებთა უმეტესობას, ბერძნული ენა ითვლებად სასაქონლო ოფიციალურ ენათ, როგორც ოსმალური.

ოსმალური პრესა გულის წყრომით მიეგება ამ დეკლარაციას და შეებრძოლა.

ბერძნულმა პრესამ მტკიცეთ და გაბედულათ მიუგო ოსმალთა ყველა პროტესტზე. თუ ბერძენთა ეს პროგრამა უარყოფილი იქნა, მაშინ ბერძენთა ნაცია არ მიიღებს მონაწილეობას პოლიტიკურ ცხოვრებაში, ბოიკოტს გამოუცხადებს არჩევნებს და, თუ საჭიროება მოითხოვს, უკანასკნელ სისხლის წვეთამდე იბრძოლებს თავის ეროვნულ ინტერესების დასაცავათ.

ს ზ ა რ ს ე თ ი .

— მკითხველებმა უკვე იციან ღებუშებიდან, რომ სათარხანმა დამარცხა აინ-ედ-დოულეს ჯარი და გაიმარჯვა.

აი უცხოეთის გაზეთების ცნობები, თუ როგორ სწარმოებდა ეს ბრძოლა.

11 სექტემბერს აინ-ედ-დოულეს მომართა ქურთთა 500-სი მხედარი ოთხი ჯარბანით. ახალ-მოსულებმა დაუყოვნებლივ მიიტანეს იერიში რევოლუციონერთა ჩრდილოეთის ბანაკზე. თვითონ აინ-ედ-დოულეს ერთ დამავე დროს იერში მიქონდა მუშტიდთა უბანზე. ქურთები დიდს გაბედულებით დაიძრნ ბრძოლის ველისაკენ. ჩქარა იმათ განდევნეს ქალაქ გარეთ სიმაგრეებიდან ნაციონალისტები. მთავრობის ჯარი ჯეფირს—ჯეფირზე იღებდა სანამ სათარხანის უმთავრეს სიმაგრემდე არ მივიდა. აქ კი მას შეხვდა მამაცი ფიდაები. ქურთები თავზარდაცემულები გაიქცნენ და გაიფანტნენ ვიწრო ქუჩებში. რევოლუციონერები გამოუდგნ მათ და უმოწყალოთ სცემდნენ, ვინც ჩაუვარდებოდათ იმათგანი ხელში. ქურთთა გადარჩენილი ნაწილი გაიპარა სამშობლოში. აინ-ედ-დოულეს დანარჩენმა ჯარმა უკან დაიხია. სალამოს სათარხანი სრული გამარჯვებული იყო. მტრებს წაართო მთელი სურსათი და თოფ-ჯარბანები. რევოლუციონერებმა დაჰკარგეს 60 კაცი. მთავრობის ჯარის ზარალი ასობითაა. ღამე გამარჯვების ნიშნათ რევოლუციონერები ისროდნენ თოფებს უტყვიოთ თავიანთ სიმაგრეში.

თეირანში მთავრობამ, რომ ლიბერალური წრებისათვის თავრიზი დაეცა, მოიმიზეზა შეთქმულება და საიდუმლო კომიტეტთა აღმოჩენა, აწისათვის ის იქერს ახალგაზრდობას, დაჭერილთა შორის ბევრი ისეთია, რომელთაც აქვთ ინგლისისა და ოსმალეთის დამკველი ბილეთები.

მალალს წერეთ.

(გაგრძელება. იხ. „ჩვენი ქვეყანა“ № 16)

მოკმედება მესამე.

მამაშა. რა ამბავია? აქ როგორ შეიძლება ახე
ღრილი?

ლოთი. (თავს უკრავს და ხელს უწვდის ბარბაცით)
Честь имъю представиться. ოტსტაენი კოლლეჟსკი
სეკრეტარი ივან ივანოვი კლუბის პირველი მოთამაშე,
პირველი არშიყი და პირველი ლოთი. ორრასი ათასი
რამდენია იცი? (ქალებს) იცით? მე ამ დღეებში მოვიგებ
• ორრასი ათასს, მაგრამ მოვიტან და დაგირიგებთ; მე
ფული არ მიყვარს. რა არის ფული? ღვინო კი... (თავს
ჩააქნევს) ეი, ღვინო, ღვინო!

მამაშა. უჰ, რა გაღრიალდებო? გთხოვთ, აქედან
წაბრდნდეთ.

ლოთი. ღვინო, ღვინო მომიტანეთ, რომ ჩემი
კანაშკების სადღეგრძელო დავლიო.

მამაშა. აქ ღვინის სმა არ შეიძლება. თქვენ ისეც
საკმაოთა ხართ დალეული. ახლა სახლში წადით და
მოისვენეთ.

ლოთი. (შეჩერება; შემდეგ ხელებს გაშლის და
მიიწევს იმისკენ) მამაშა! ძვირფასო მამაშა! თქვენ მაინც
მაკოცეთ ერთი (მამაშა გატრიალდება და გადის. ქა-
ლები იცინიან. ლოთი გამოტრიალდება, აქეთ იქით
იხედება) ეეი, ღვინო, ღვინო! (შამოვა ორი მოსამსა-
ხურე ოთახში გასაველი კარიდან. ლოთი მათ თავს უკ-
რავს). Честь имъю представиться. Отставной ко-
ллежский секретарь. Первый игрокъ клуба. (ქალები
იცინიან).

ერთი მოსამსახურე. (გააწყვეტინებს) აქედან წაე-
თრიეთ ახლავე!

ლოთი. ორრასი ათასს მოვიგებ, წავაგებ — әрунда!
მოდი, ერთი მაკოცე! (მოსამსახურეები ხელს მოჰკიდებ-
ნენ, მიატრიალებენ, კარებისაკენ მიჰყავთ და კიბეზე
საჩქაროთ ჩაჰყავთ. ისმის ლოთის ხმა გარედან: все
әрунда! ღვინო და ქალები! მეტი არასფერი არ მინდა.
ქალები იცინიან. მოსამსახურეები შემობრუნდებიან და
მეორე კარებში გავლენ, რადგანაც კოტა ხნის შემდეგ
შემოვლენ შუახნის მოხელეები თავისი ქალებით).

ერთი მოხე. ახლა, ბატონებო, გამოვეთხოვთ ჩვენს
უკანონო კოლეგებს, თორემ კანონიერი კოლეგები ექვს აი-
ღებენ და აქ მოგვექრებიან (მოხელეები იცინიან).

მოხელეები. (ერთათ) მშვიდობით; ჩვენო უკანონო
კოლეგო! (ხელს ართმევენ და ჰკოცნიან).

ერთი ქალი. (თავის კავალერს) როდისა მნახავთ?

ერთი მოხელე. მართლა, ბატონებო, დრო უნდა
დავნიშნოთ, როდის მოვალთ აქ კიდევ.

მეორე. არა, ბატონებო! მე მხოლოდ თქვენის პა-
ტივისცემით წამოვედი დღესაც აქ, თორემ რაღა დროს
ჩემი ცუდლუტობაა, — გასათხოვარი ქალიშვილები მყავს.

მესამე. სტეპან პავლოვიჩ! ჩვენის პატივისცემის გუ-
ლისათვის წამობრძანდით შემდეგაც. (იცინიან და გა-

დიან, ქალები თავს უკრავენ, შემდეგ დასერიან და
იცინიან. რამოდენიმე ხნის შემდეგ თავს შემოჰყავთ
ერთი გიმნაზიელი, მიიხედ-მოიხედავს და გაჰყავს ისევ
თავს. შემდეგ მეორე შემოჰყავთ თავს, მიიხედ-მოიხე-
დავს და გაჰყავს თავს. მალე ორივე შემოვლენ, მიი-
ხედ-მოიხედავენ, შუა ოთახში გაჩერდებიან, ჩაახველე-
ბენ, პაპიროზს ამოიღებენ და სწევენ. პალტოები მოს-
ხმული აქეთ ბეჭებზე. ქალები შეაჩერდებიან; ერთი წა-
მოვა ამოთკენ).

ქალი. (შეაჩერდება) არ მოგწონვართ? რას მომჩე-
რებინართ?

ერთი გიმნაზიელი. (მეორეს) არა უშავს რა, რას
იტყვი?

მეორე. წაიყვანე, თუ მოგწონს, — ничего сего.
მე სხვას ავირჩევ. (მიდის ქალებისაკენ. პირველი კი
მიუახლოვდება ქალს, ელაპარაკება ისე, რომ არასფერი
ისმის. შემდეგ ქალი კლავში ხელს გაუყრის და მიარ-
ბენინებს ოთახში გასაველი კარებისაკენ. გადიან მე-
რეც მალე გაჰყვება მათ უკან თავისი ქალით. ქალები
დასერიან. დამკვრელი პიანინოსთან სთვლემავს და
თავს აკანჩურობს. გამოვლიან აფიცრები თავისი ქალებ-
ით.)

ერთი აფიცერი. (დამკვრელს) აბა, ერთი დაუკა-
რით რამე. (ბეჭზე ხელს დაადებს; დამკვრელი გაიღვი-
ძებს) დაუკარით რამე. (დამკვრელი უკრავს მაჩინს.
აფიცრები ცეკვავენ ქალებთან. შემდეგ გაჩერდებიან,
პაპიროზს მოუკიდებენ, დამკვრელს ფულს აძლევენ,
ქალებს თავს უკრავენ და გადიან).

ერთი ქალი. აი მესმის აფიცრები! სამაგალითო
ვახშამი იყო და ხუთ-ხუთი მანათიოც მოგვცეს! (თითებზე
იკოცნის) უჰმ? душки офицера!

მეორე. (პირველს) მეტიარა, ჯოჯო! ყოველის-
ფერში წინ უნდა წაეხირო! შენ რომ წინ არ წამო-
გეყო შენი გაბუზტული ცხვირი, მაგ აფიცერს სულ
მე მიყვავდი და ახლაც მე წამიყვანდა.

პირველი. (დადინჯებით განზე გადადგება) ერთი ამას
დამიხედეთ! როგორ? ბრმა ხომ არ იყო, რომ შენ წაე-
ყვანე და მე კი დავეტოვებინე?!

მეორე. ერთი კიდევ გიმეტიჩრია აგრე და მაშინ
ნახე, როგორ გაგწეწო.

პირველი. გაწეწავაზე ნუ იქნება, თორემ ბზესავით
გაგანიავებ.

მეორე. აი შეი, ჯოჯო, შენა! ჯოჯო, ჯოჯო!

პირველი. (მიიწევს) ხმა ჩაიკმინდე თორემ... (ამ
დროს გამოვა მამაშა, ქალები დაწყნარდებიან).

მამაშა. რამდენჯერ მიიტკვამს თქვენთვის? ზალა-
ში ჩხუბს თავი დაანებეთ მეტი! (ქალები წყნარათ და-
დიან; მამაშა თვალს გააყოლებს მრისხანეთ და შემდეგ
გავა. გამოვლენ გიმნაზიელები ქალებიანა სწორეთ ამ-
დროს შემოვა შემოსაველი კარიდან შუა ხნის მასწავ-
ლებელი, კოტა შეზარხოშებული. გიმნაზიელები შეკ-
რებიან და უკან გაბრუნებას აპირებენ).

მაშინ, თხ, მაშინ დასწყევლი მიწას,
 ზედას ძირს დავედემ, თვით გავმეხდები;
 გადვიხარხარეს უკანასკნელათ
 და ნეტარებით სიკვდილს შევხედები!...

ბაბ. ი.

წერილი მოსკოვიდან.

ლ. ნ. ტოლსტოის იუბილე; პროფესორ პოლსკოვსკის წინააღმდეგ გალაშქრება; სწავლა-განათ. სამსწერ-სტროს არ ასვენებს უნივერსიტეტების ავტონომია; უნივერსიტეტიდან დათხოვნილ თავისუფალ მსმენელ ქალების მდგომარეობა; როგორ მოიტყუვა სტუდენტობა?

28 მარტის დღეს შეუსრულდა დაბადებიდან 80 წელი რუსეთის დიდებულ მწერალს ლ. ნ. ტოლსტოის. როგორც მკითხველებმა იციან, მთელი ქვეყნიერების განათლებული ერები დიდის ამბით შეუდგნენ ამ დღის მზადებას, რათა ღირსეული პატივი ეცათ მსოფლიო მწერალისათვის. მკითხველებს ისიც ეხსოვებათ, რომ რეაქციონერმა ბანაკმა იმ თავიდანვე დიდი აურზაური ასტეხა ტოლსტოის პატივსაცემლათ განზრახულ იუბილის გამო და მთელი თავისი ძალადგინებით გაილაშქრა მის წინააღმდეგ. „ტოლსტოი სახელმწიფოს მტერია, ტოლსტოი მოალაპტეა და ასეთი კაცი პატივისცემის, იუბილის ღირსი არ არის“-ო, გაისმოდა რეაქციონერთა და შავრაზმელთა ერთსულოვანი ყიჟინი. შავრაზმელთა ყიჟინს თავისი ხმა შეუერთა უწმინდესმა და უმართველესმა სინოდმა და ქრისტეს მოყვარე სამღვდელოებამ: „ტოლსტოი სარწმუნოების შეურაცხყოფი და მოალაპტეა, ტოლსტოი ეკლესიიდან გარიცხულია“! ბანს აძლევდა იგი შავრაზმელების განგაშს და ყველა ეს რუსეთში, ტოლსტოის სამშობლოში ხდებოდა მაშინ, როდესაც სხვა ქვეყნები ტოლსტოის სახელის ხსენებაზედაც კი პატივისცემით თავს იხრიდნენ და დიდებულ მწერლის სახელით იხსენიებდნენ. ინგლისის სამღვდელთა კი უკარგეს და უქვემარტეს ქრისტიანის სახელითაც კი მონათლა რუსეთის შავრაზმელების მიერ სარწმუნოების მოალაპტეთ და ხალხის გამრყენელათ აღიარებული მწერალი; ერთი სიტყვით, რუსეთის ძღვევამოსილებმა არაფერი არ დაიშურეს ტოლსტოის დასამცირებლათ და მისი საპატივისცემლო იუბილის ჩასაშლელათ, და თუ იმათმა პროპაგანდა-აგიტაციამ სავსებით ვერ მიაღწია მიზანს, თუ ტოლსტოის სახელი ვერ დაამცირეს საზოგადოების დიდი უმრავლესობის თვალში, იუბილე რამდენადმე მაინც ჩაშალეს და ამით ნახევრათ მაინც დაიკმაყოფილეს სურვილი.

იუბილის წინა დღეებში ყველა ადგილობრივმა სასწავლებლებმა (აქ საშუალო და დაბალ სასწავლებლებში მეცადინეობა დაიწყო 15 მარ.) გაფრთხილება მიიღეს არ მიეღოთ მონაწილეობა იუბილის გამართვაში. რესტორანების პატრონებსაც გამოეცხადათ,

რომ რესტორანებში ტოლსტოის პატივსაცემლათ არაფერი კრება არ გამართულიყო; ერთი სიტყვით, ყველაფერი „წესრიგადა“ მოაწყეს და მოახერხეს. გათენდა 28 მარ., სასწავლებლებში მეცადინეობა ჩვეულებრივით მიდის, არსად არავითარი კრება ტოლსტოის პატივსაცემლათ. სამაგიეროთ ყველა პროგრესულმა განათებულმა თითქმის მთელი ნომრები შესწირეს ტოლსტოის სახელს და, რამდენადაც ეს შესაძლებელი იყო დღევანდელ პირობებში, აღნიშნეს ტოლსტოის 57 წლის მოღვაწეობა და მისი მნიშვნელობა. ამის გარდა იასნაია პოლიანაში გაიგზავნა რამდენიმე მისალოცი დეპეშა, — და აი სულ ტოლსტოის იუბილე მოსკოვში.

სამაგიეროთ, როგორც განათებები გადმოგვცემენ, საზღვარგარეთ უფრო კარგი პატივი უცხოთ რუსეთის დიდებულ მწერლისათვის. სხვათა შორის 27 მარ. მოსკოვში ჩამოვიდა ინგლისელების დელეგაცია, რომელიც იასნაია პოლიანაში გაემგზავრა და პირადათ მიაერთა იუბილარს ინგლისელებიდან 45 გვერდიანი ადრესი.

რეაქციამ არც პროგრესულ მიმართულების პროფესორები დატოვა უყურადღებოთ. ნათქვამია, — შიშს დიდი თვალები აქვსო და სწორეთ ასე მოსდის სწავლა-განათლების მინისტრს: მას კადეტი პროფესორები „მინისტროსუდარственник“-ებათ მოლანდებია და წინააღმდეგობას აძლევს, დასდონ ხელ-წერილი, რომ ისინი არც ერთ ოპოზიციონერ და ანტისახელმწიფოებრივ პარტიაში აღარ მიიღებენ მონაწილეობას. ასეთი წინააღმდეგობა მიიღეს პეტერბურგის უნივერსიტეტის პროფესორმა პეტრაევიკიმ და მოსკოვის უნივერსიტეტის პროფესორებმა: მურომცევმა, შერშენევიჩმა, ნოვგოროდცევმა, კოკოშკინმა და კატლიარევსკიმ; უკანასკნელებმა ასეთ ხელწერილის დადებაზე უარი განაცხადეს — უპასუხეს მხოლოდ, რომ ისინი არასოდეს არ ეკუთვნოდნენ ანტისახელმწიფო პარტიას. ასეთი პასუხის შემდეგ მათ დათხოვნა მოეღოს და ნეტავ ვის ჩააბარებენ იმათ კათედრებს!... შეიძლება პურიშკევიჩმა, ან დუბროვინ-კრუშევან-მეშერსკევმა იკისრონ იმათი მაგიერობა, — ამ ვაჟბატონებს ამისთვის ეყოფათ მხნეობაც და გაბედულებაც. ნეტავი ჩვენ — სტუდენტობას ასეთ პროფესორების ხელში!

სწავლა-განათლებულების სამინისტროს არც უნივერსიტეტის ავტონომიისგან დარჩენილი ნამსცევები აძლევს მოსვენებას და ლამობს მის სრულიად გაქრობას. მინისტრის უკანასკნელმა განკარგულებამ ერთი ხალხის მოსმით გააქარწყლა ის ნამსცევებიც, რომელიც მის წინაპრების ბრძკალებს გადაურჩა: აღკრძალა სტუდენტების საერთო „სხოდკები“ (ყრილობანი). ამით გასამართავათ ეხლა საჭიროა მინისტრის ნებართვა; თუ მინისტრმა ინება და ნება დართო, „სხოდკას“ ესწრება პოლიციის წარმომადგენელი; აქნამდე კი საჭირო იყო მხოლოდ ოცდა ოთხი საათით წინ გაგვებიანებით, რომ „სხოდკა“ იყო დანიშნული. მანვე გააუქმა „студенческое представительство“ (სტუდენტობის წარმომადგენლობა).

აუწერელ სამწუხარო სანახაობას წარმოადგენს უნი-
ვერსიტეტიდან დათხოვნილ თავისუფალ მსმენელ ქალე-
ბის მდგომარეობა. აქნამდე კიდევ ქონდათ რაღაცის იმე-
ლი, მაგრამ ეხლა კი, როდესაც საბოლოოთ გამოუცხა-
დეს, რომ დოკუმენტების გატანისა და წასვლის პეტი-
ა არა დარჩენიათ რა, არ იციან რა ქნან. თვალცრემლია-
ნი ხან ერთ ფაკულტეტის კანცელიარიას მიადგებიან და
ხან მეორეს, დოკუმენტების გატანას მაინც ვერ ბედა-
ვენ. საქაღებო უმაღლესი კურსები კი სულ ავსებულია
და ყველა მსურველების ერთი მეოთხედის დაკმაყოფი-
ლება კი არ შეუძლია.

ყველა ამის შემდეგ ყველა სტუდენტს ძალა-უნე-
ბურათ ებადება საკითხი: რა გზას დაადგება, რა ზო-
მას მიიღებს ხანგრძლივი ბრძოლით მოპოვებულ
უფლებების დასაცავად და შესარჩენად. ამ კითხ-
ვაზე ეხლავე გიდაჭრილი პასუხის მიცემა შეუძლე-
ბელია. როგორც კერძო ლაპარაკიდან სჩანს, სტუდენტ-
ობის უმრავლესობა იმ აზრის არის, რომ წელს უნი-
ვერსიტეტებში სიმშვიდე არ იქნება; სტუდენტობა ისევ
გაფიცვებს მიმართავს, — გამოთქვამენ ზოგიერთებში.
ყნახოთ, — ყოველივეს ახლო მომავალი გვიჩვენებს.

ივ — იძე.

პასუხი ამხ. „შურდული“-ს მპარასმს.

„შურდული“-ს მეპრესეს ჩემ მიერ „ჩვენი კვალი“-ს
15 ნომერში მოთავსებული წერილიდან ამოუღია მიზან-
ში ის ადგილი, სადაცაა ნათქვამი: ერთი ასეთი წყარო-
თაგანი „ჩვენი კვალი“-სა და დახმარებას უნდა ვუწევე-
დეთ მეთქი იმ ორგანოებს, რომლებიც ემსახურებიან
კაცობრიობის მომავალს — და გაიძახის დაცინვის კილო-
თი: „ოხს მართლათ მიუღია „ჩვენი კვალი“-ს ხელმძღვა-
ნელის ტრაბახობა — სიტყვები, ჩვენი აზრი ახალია,
დადგენილება კი ძველი. ნამდვილათ კი ჩვე. კვალი“-ს
ნაციონალური პროგრამა მომდინარეობს 1905 წ. „ივე-
რიიდან“, დადგენილება კი 1906 წლის შემოდგომაზე
იქმნა გამოტანილი სიგზღზე, სადაც, სხვათა, შორის კავ-
კასიის ავტონომიაც იქმნა უარყოფილი. ჩვე. კვალი“-ს
აზრი ძველი „ივერიის“ აზრია. ახლა, სამი წლის შემდეგ,
სხვა ორგანოში, სხვა სიტყვებით გამოფენილი და თუ ოხს
ანტერესებს ეს კითხვები, წ. კ. საზოგადოებაში იკითხოს
„ივერია“ და გაეცნოს მასალებს“. გმადლობთ ამხ.
მეპრესე. რჩევისათვის. მაგრამ, საკვირველია რატომ
დაგჭირდათ ყველა ამავის თქმა? თუ კი ის „ივერიაში“
იწერებოდა, უკვე საბალოოთ უარყოფილია და ახალი
შეურყეველი დადგენილება მოგვეპოვება, რაღათ გინდათ
„ივერიის“ ძველი აზრების კითხვით დრო დამატრევინოთ,
ეს ხომ მიზანს უფრო დამაშორებდა? რაღა საჭიროა
რომ გადაწყვეტილ-უარყოფილ კითხვებზე ამოდენა წე-
რილები იწერება ჩვენ გაზეთებში? ამ რამდენიმე თვის
წინათ ერთ-ერთმა საპატიო დაწესებულებამ, რათ დაევალი
პარტიულ ორგანოებს ეს კითხვები გაერკვია პრესაში?

„ახალი დადგენილება“ და კავკასიის ავტონომიაც არ
ყოფილა საკმაოთ გამორკვეული და საბოლოოთ გადა-
წყვეტილი. ის, რაც „ჩვენი კვალი“-ს იწერება, უნდა
გითხრათ, არც ისეა გამოვრებული, რომარ შეიძლება-
დეს წაკითხვა და ახალი აზრების გაცნობა, ისეთი არ-
სენალები — საწყობები, საიდანაც გამოქონდეს ვისმეს
ახალ-ახალი მასალები, დღეს დღეობით არც სხვას აღ-
მოუჩენია და თუ იმ გზას დავადგებით, როგორც თქვენ
გვიჩვენებთ, აღარც დანარჩენ მარქსისტების ნაწერები
უნდა ვიკითხოთ, რადგანაც ახალს არავინ ამბობს არა-
ფერს; ან თუ იმიტომ არ უნდა წავიკითხოთ „ჩვენი
კვალი“, რომ მისი ხელმძღვანელი ოდესღაც „ივერიაში“
სწერავდა წერილებს, და „ივერიის“ რედაქციაც ემბრო-
ბოდა ავტონომიას, არც ესაა საკმარისი საბუთი. განა
„ტოვარიში“-ში რომ სწერავდა პლენარული წერილებს,
ამიტომ ახლა აღარ უნდა წავიკითხოთ „გოლოს სოც.-
დემოკრატია“, რომელიც მისი (პლენარულის) რედაქტო-
რობით — ხელმძღვანელობით გამოდის? განა ვლ. დარ-
ჩიაშვილს, როგორც უწინ, ისე ახლაც არ ემბრობოდენ
და არ ემბრობიან ბევრი ჩვენი ამხანაგები? თუ დარჩია-
შვილი ასეთი საექვო პირი იყო, რაღათ გამოდიოდა
ჩვენი გაზეთები მ სი ხელმძღვანელობით?

„ივერია“, რომელიც როგორც მიმართულებით,
აგრეთვე რედაქციის შედგენილობით ქართველი ბურ-
ჟუაზიის ღვიძლი შვილი იყო, ატარებდა ნაციონალურ
პირბადეს და ემსახურებოდა მის (ქართველი ბურჟუა-
ზიის) ინტერესებს? და განა შეიძლება ამ ორგანოს შე-
დარება ჩვე. კვალთან, რომელიც, მაგონი ამხანაგიც
დამეთანხმება — როგორც რედაქციის შედგენილობით,
აგრეთვე მიმართულებით, ისევე განსხვავდება პირველი-
საგან („ივერიისაგან“), როგორც „შურდული“ განსხვავ-
დება „ამირანისაგან“?

ამხ. მეპრესე, ისიც კარგათ აგვიხსენით თუ რატომ
არ უნდა ვიკითხოთ „ჩვენი კვალი“, როცა აქ შეგვიძ-
ლიან გავიცნოთ სხვა და სხვა აზრები ოტტო ბაუერისა,
რომელიც ცნობილია ორტოდოქს-მარქსისტათ?

დასასრულ, „შურდული“-ს პრესის წაკითხვის
უმაღლესი ზოგი ერთა მუშებმა დაცინვით და ნიშნის მო-
გებით მომახალეს: „მოგხვდა თუ არა, მაშ რა გეგონა,
რა შენი საქმეა ნაციონალურ კითხვებზე წერილების
წერვა, ვერ წახვალ შორს, გამოირკვა, რომ ავტონო-
მისტებს დაუახლოვდი და სხ.“

სამწუხაროთ ეს არა თუ ახლა, უწინაც ასე იცო-
დენ ჩვენმა ზოგიერთმა ამხანაგებმა; ერთხელ სხვათა
შორის მასხარათაც მიგდებდნენ კაუკასის ნაწერებს რასა
მქეპამო.

ამხ. „შურდული“-ს მეპრესე ვიცი არ დასტოვებს
არც ამ ჩემ წერილს უკრიტიკოთ, და მე აქედანვე ვთხოვ
ყოველივე კითხვაზე, რასაც წამოაყენებს ჩემს წინააღმ-
დეგ, გარკვევით და მკაფიოთ გამოსთქვას თვისი შეხე-
დულება, ვინაიდან ასეთ შემთხვევაში საქმეს უფრო
დამახლოვებს, როგორც მე, აგრეთვე დანარჩენ ჩემსაგებ

ამ საყურადღებო კითხვებში დაინტერესებულ ამხანაგებსაც. რაც შეეხება იმას რომ მე არა ნაკლებ პატივსაც ვცემ ამხანაგ მეპრესეს და მის ცოდნასაც ვაფასებ, ეს არა მარტო სხვა ამხანაგებმა, თვითონაც კარგათ იცის და იმედია მომავალში ისეთი დაცინვის კილოთი არ მაიძულებს გამგებადობა დავკარგო.

ოსი.

უმაღლესი სასწავლებლის მდგომარეობა.

(გაგრძელება. იხ. „ჩვენი კვალი“ № 15).

ახლა დავბრუნდეთ ისევ უკან და განვაგრძოთ თუ რა და რა გაუმჯობესებანი მოიპოვა სტუდენტობამ ამ მოკლე ხნის თავისუფლების დროს, ესე იგი 1906 და 1907 წლებში, სანამ 1907 წლის 11 ივნისისა და 14 ნოემბრის კანონები გამოიცემოდა? ამ დროს განმავლობაში სტუდენტობამ დააარსა ცენტრალური ორგანო და მით იღებდა მხურვალე მონაწილეობას უნივერსიტეტის შინაურ საქმეების სასურველათ მართვა-მოწყობაში. უნივერსიტეტში აღდიოდა დაუთმო ქალებს და სემინარიელებს, მოისპო ებრაელების პროცენტებით მიღება. გაუქმდა პედლები (უნივერსიტეტის მწვერავნი), დაარსდა სტუდენტების საექსპერტო კომისიები, რომლის ძალით უნივერსიტეტის გადასახადისაგან განთავისუფლება და სტიპენდიების და პოსტობების განაწილება ეხლა სტუდენტების ხელში გადავიდა. შემოიღეს ფარტემინები, საგნებრივი სისტემა (предметная система) და სხვა მრავალგვარი გაუმჯობესება. როგორც ზემოთაც დავინახეთ, სტუდენტებს ნება მიეცათ სხვადასხვა სამეცნიერო და საპოლიტიკო ორგანიზაციების თავისუფალი მოწყობისთვის. პროფესორების სიმპატიაც სტუდენტებისკენ გადმოიხარა და ზოგიერთ უნივერსიტეტში, მაგ. დორპატში, არსდებოდა პროფესორების, უმცროს მასწავლებლების და სტუდენტების შეერთებული კომისია, რომლის ძალით ეხლა უნივერსიტეტის საქმეების შესახებ გვეკითხებოდნენ უმცროს მასწავლებლებს და სტუდენტებსაც.

ამგვარათ უმაღლესი სასწავლებელი ასე თუ ისე თავის დიდ დანიშნულების ასრულებას აპირებდა და კულტურულ გზაზე შემდგარი წინ მიისწრაფოდა.

მაგრამ საუბედუროთ ეს მას დიდხანს არ დაცალდა. ბიუროკრატის, მემარჯვენეთა ბანაკს ეს მოსვენებას არ აძლევდა, მათ კარგათ ესმოდათ რომ უნივერსიტეტის ასეთი თავისუფლება ანეიტარებს და წინ მიყავს სტუდენტობა. მათ კარგათ იცოდნენ, რომ თუ ასე გაგრძელდა დიდხანს, ეს მათ ძირს გამოუთხრის, ნიადაგს გამოაცლის. და აი, რეაქციის პირველი მსხვერპლი, როგორც ეს ყოველთვის ასე ხდება, უმაღლესი სასწავლებელი შეიქმნა, ბიუროკრატებმა იწყეს უმაღლესი სასწავლებლის თავისუფლება-გაუმჯობესობათა თანდათან უკან წაღება. უმაღლესი სასწავლებლის ავტონომიამ კარგათ ამოსუნთქვაც ვერ მოასწრო, რომ კვლავ გაინაწილდეს, გაილაშქრეს ავტონომიაზე, ჩაერივნ თავისუფალ სასწავლებლის ცხოვრებაში, ჯერ გარედან ნელნელა, შემდეგ კი საგ-

რძნობლათ, რამაც გამოიწვია მრავალი კონფლიქტები, არეულობანი, დაარღვია ნორმალური მეცადინეობა და შეაჩერა მისი მსვლელობა. ძირიან-ფესვიანათ მოინდომეს თავისუფლების განდევნა უმაღლესი სასწავლებლიდან. ეს სურვილი კიდევ მონათლეს და დააკანონეს 1907 წლის 11 ივნისის და 14 ნოემბრის კანონით. ამ კანონების ძალით შებოქეს და უკან წაიღეს უნივერსიტეტის ავტონომია: უნივერსიტეტში კვლავ გაბატონდა პოლიცია, აეკრძალა სტუდენტებს ნება დაურთველათ შეკრება, თუნდ კრებას აკედამიური ხასიათი ჰქონდეს. ამასთანავე აეკრძალა თავისუფალ მსმენელებს, მათ შორის ქალებსაც ყოველგვარ კრებაზე დასწრება, ამავე კანონის ძალით კრებებზე ესწრება პოლიციელი, რომელსაც თუ არ მოესურვა კრების გაგრძელება, შეუძლია, რა წამს უნდა, დახუროს ის, მოისპო ცენტრალური ორგანო და სხვა.

როგორი პასუხი გავცეთ ამ ახალ კანონს, როგორ შევხედოთ ამას?

აი, საკითხი, რომელიც დაიბადა 11 ივნისის კანონის გამოცემის შემდეგ სტუდენტობაში. აქ აღსანიშნავია რომ ეს კანონი გამოიცა სწორეთ მაშინ, როცა ირგვლივ რეაქცია ნაფარდობდა და არც ერთ ცხოვრების დარგს არ ტოვებდა რომ თავისი დიდი არ დაედგა ზედ, როცა თავისუფლებისთვის მებრძოლთა ძალები დაიქსასა მათი ორგანიზაციები დაიშალა. აი, ამ დროს უმაღლესი სასწავლებელმაც შესაფერი ატაკა (იერიში) მიიღო რეაქციისაგან. სტუდენტების ერთი ნაწილი (ს-დ-ბი) ნათლად ხედავდა და კიდევ აფასებდა ამ პოლიტიკურ მომენტს. ისინი ამბობდნენ; სტუდენტობას, როგორც ამგვარს ერთეულს, არავითარი პოლიტიკური ძალა არ აქვს და, რასაკვირველია, მათგან არ არის დამოკიდებული რევოლუცია და რეაქცია, არც საზოგადოება და არც უნივერსიტეტი. ამიტომ სტუდენტობის ეს ნაწილი (ს-დ-ბი) საჭიროთ ცნობდა მომენტით სარგებლობას, ლეგალურ პირობების გამოყენებას, ლეგალურათ მოქმედებას. ამის და მიხედვით ყველა ს-დ-სტუდენტობამ 11 ივნისის კანონის პასუხათ შესაფერი რეზოლუციები გამოიტანა, ხოლო „რადიკალებს“, ვითომდა უკიდურეს „რევოლუციონერებს“ (ეს ერებს და კამბანას), რომლებიც ერთი ხელის დაკვრით ქვეყნის გადართილებას ფიქრობდნენ, საჭიროთ თვლიდნენ ისევ სარდაფებში ჩაძრომას, არა-ლეგალურათ მოქმედებას და ამით ფიქრობდნენ ავტონომიის თავის აღდგენაზე დაბრუნებას. მაგრამ საუბედუროთ დღემდის მათში ასეთი ზღაპრულ ძალას ვერ ვხედავთ. გაბატონდა რეაქცია თუ არა, უნივერსიტეტის ავტონომია დღითიდღე ძვალებდებოდა. ამის გამო 1907-1908 სამოსწავლო წლის დაწყებისთან ვე აიბუგნა უმაღლესი სასწავლებლის მდგომარეობა. სტუდენტთა მღელვარება ჩქარი სისწრაფით წინ გაექანა, რაც დავიწყებული იყო, განმეორების გზას დაადგა, გახშირდა არეულობანი უმაღლესი სასწავლებელში, სულ ცოტა რამ იყო საჭირო, რომ აღმინის-

ტრაცია ჩარევოდა უნიფ-ის აკადემიურ საქმეებში. განმეორდა ძველი ისტორია: სტუდენტების გამორიცხვა უნიფ-ის დახურვა, პოლიციის კრებებზე შეკრა, ძალათ კრებების შეწყვეტა. არც ერთი უნივერსიტეტი არ გადურჩა პოლიციისაგან შინაურ საქმეებში ჩარევას, ავტონომიის შელახვას. კიევი, ოდესაში, ხარკოვში, მოსკოვში, ტომსკში, პეტერბურგში, დორპატში, თითქმის ყველგან უმაღლესი სასწავლებლები სრულში უკმაყოფილებამ და არეულობამ მოიცვა. 1907—1908 სამოსწავლო წლის დაწყებისთანავე ჩაეჩივნა უმაღლესი სასწავლებლის შინაურ საქმეებში, დაიწყეს უმიზეზოთ ჩხრეკა, ყუშმარებისა და იარაღების ძებნა, გაიხსენეთ ამგვარი ჩხრეკა უმაღლესი სასწავლებლებში; პეტერბურგში, ხარკოვში, მოსკოვში, კაზანში და სხვ. ასეთი ჩხრეკის ნაყოფი ის იყო, რომ ხშირათ პროვოკაციურ ნამოქმედარითაც სარგებლობდნენ (პეტერბურგის პოლიტექნიკუმში). ბიუროკრატის მძიმე ლოდით აწვა და მოსვენებას არ აძლევდა თავისუფალი უმაღლესი სასწავლებლები, სადაც ლექციებს სოციალურ მეცნიერებაზედაც კითხულობდნენ, ვერ იგუა და წარსულ სამოსწავლო წლის (1907—1908) პირველ სემესტრში კიდევ მიხურა პეტერბურგში ამგვარი თავისუფალი უმაღლესი სასწავლებელი, პროფესორ ლესგაუტის 1500 კაცი მოსწყვიტა საშუალებას—ცოდნა შეეძინა. ავტონომიის შელახვის გამო სტუდენტობის არეულობამ უმაღლეს წერტილამდის მიაღწია კიევის უნიფ—ში. პოლიციის თვითნებობამ მოთმინებიდან გამოიყვანა იქაური სტუდენტობა და 1907 წელს ნოემბრის სამს, ხუთს და 17 რიცხვებში იქ მოხდა სამი ნეზადურთველი კრება. უკანასკნელ კრებაზე სტუდენტობა მოითხოვდა იმ 153 დათხოვნილ სტუდენტის უკანვე ზილებას, რომლებიც უსამართლოთ იყვნენ გამორიცხული. ამ კრებაზე შეიქრა პოლიცია, სტუდენტობამ არ წარუდგინა მათ „ბილეთი“, რის შემდეგ ყველანი ციხეში გაამგზავრეს. ამ არეულობის შედეგათ 800-მდე სტუდენტი დაითხოვეს და მათ სხვა უნიფ—ბის კარიც კი დაუკეტეს. ამავე წლის ნოემბერშივე დორპატში სულ კი დაუკეტეს. ამავე წლის ნოემბერშივე დორპატში სულ უმიზეზოთ, როდესაც სტუდენტების კრებაზე აკადემიური კითხვები იჩინებოდა, უნივერსიტეტს ალყა შემოარტყეს, შიგ შეიჭრენ და კრება აღკრძალეს იმის მიუხედავათ, რომ კრებას თავ-დანვე რექტორი და პრორექტორი დაესწრო და არავითარ საწინააღმდეგოს შიგ არ ხედავდნენ.

სვ. კანდ — ი.

დუშეთის მაზრა

დუშეთის მაზრაში არის სხვა ხეობათა შორის ეგრეთ წოდებული: გრემიხევის, ქსნის და ლეხურის ხეობები. ეს ხეობები მდებარეობენ მაღლობ მთიან და ტყიან ადგილებში. მიწის სიცოცხლის გამო პატარა-პატარა სოფლებია აქა-იქ ტყის პირებზე, ან მთებზე. თვითიყო

სოფელში დასახლებულია 5-დან 20 კომლამდის, და გარდა თითო-ორი სოფლისა, ყველგან ოსებია დასახლებულნი. ყველგან გამეფებულია სიღარიბე და სიმშლილი. ზემოხსენებულ სამ ხეობაში დასახლებულ გლეხებს, ცხოვრების აუტანელ პირობების გარდა, კიდევ უზღუდათ ეგრეთ წოდებულ წითელი რაზმელების ერთი ნაწილის წინააღმდეგ ბრძოლა. ეს ნაწილი წითელი რაზმისა, ამ თავითვე ყაჩაღობას შეჩვეული, წითელ რაზმში შესვლით მოიპოვა ნდობა გლეხებში და 1905 წლის ბოლო ხნებში, როდესაც რეაქციამ დაანგრია სოფლის ორგანიზაციები, რეაქციის გამარჯვებით ისარგებლეს, მოიმხრეს თავიანთ მზგავსი ყოფილი ქურდ-ყაჩაღები, ყოვლათ გარყვნილ-გათახსირებული კაცები, აისხეს იარაღი და მიყვეს ხელი წართმევას, გამათრახებას, მთებში მეცხვარეებისაგან საბალახოების მოკრეფვას, კაცის თავზე ოროლ შაურის მოგროვებას და ატყუილებდნენ გლეხებს რ. ს. დ. მ. პ. თბილ. კომიტეტი გვეუბნებაო. გლეხებსაც სჯეროდათ ეს და ყაჩაღთა ბრბოების ყოველგვარი თხოვნა სისრულეში მოყავდათ უსიტყვოთ. გლეხები მალე მიხვდნენ ყველაფერს. დარწმუნდნენ, რომ სოც.-დემ. მუშ. პარტიას არავითარი კავშირი არა აქვს, პირიქით, იბრძვის ყოველგვარი ძარცვა-გლეჯის და ყაჩაღთა ბრბოების წინააღმდეგ და გამოუცხადეს სასტიკი ბრძოლა ყაჩაღთა თავგასულობას (იხილე ამის შესახებ 1907 წ. გაზ. „ზარი“-ს 8 ნომერში). გაყაჩაღებულმა რაზმელებმა გაიგეს თუ არა, რომ გლეხები მიხვდნენ ყველაფერს სინამდვილეს, თავი შეაფარეს ზემოხსენებულ სამ ხეობაში და სამ ნაწილათ გაიყვეს, უფრო გააძლიერ-გამარავლეს თავიანთი ბრბოები და ახლა კი უფრო მოურიდებლათ მიყვეს ხელი ძარცვა-გლეჯას და ვიი იმის ბრალი ვინც რაიმე წინააღმდეგობას გაუწევდა ან ვისმეს შეატყობინებს რამეს მათი მოქმედების შესახებ. გლეხები ასეთ მდგომარეობაში არიან ცხრაას ხუთი წლის ბოლო რიცხვებიდან, დღევანდლამდე და ბოლო არც ახლა უჩანს ყაჩაღთა ბრბოების თავგასულობას. გლეხებს იმედი აღეძრათ, როდესაც გაიგეს მ ავრობა გზავნის მამასახლისებს სტრაჟნიკებით ყველა მამასახლისისებში, იქნება ამათ ცოტათი მაინც დააშინონ და თანდათან მოელოთ ბოლოო. არ გამართლდა გლეხების იმედები და მთავრობის მიერ დაყენებული მამასახლისები თავიანთ სტრაჟნიკებით ყაჩაღების წინააღმდეგ კი არ ამხედრდნენ, პირიქით ხშირათ დახმარებასაც უწევენ და ხელს აფარებენ. ამის საბუთებს ბევრს შეხედებით ლეხურის და ქადი-ჯვრის მამასახლისების და მათი სტრაჟნიკების მოქმედებაში, რომლებმაც არამც თუ თვითონ ყაჩაღებს, მათ შეზახველებსაც იცნობენ პირადთ და ხშირათ ქეიფსა და ლხინსაც კი მართავენ საღმე მაღალ ტყეში. ყაჩაღთა ბრბოებს ერთმანეთთან აქვთ მისვლა-მოსვლა—კავშირი, შეიმუშავენ ერთგვარი ტაქტიკა; თავივეს სოფელში ყავთ დ ყენებული კაცები და სასაც კი მ-ნმე ილაპარაკებს მათზე, ატყობინებს და ხელათ გაჩნდებიან ხოლმე თოფებით, მათრახებით და

დიდხნის ცემის შემდეგ ახდენიებენ ფულს, ან და კარგ სადილს გაამართენებენ — ღვინით და შემწვარი ქათმებით.

28 ივლისს სოფ. იგოვეთში მცხოვრები ერთი გლეხი შუალამისას გაიტაცეს ტყეში, რამდენჯერმე ესროლეს რევოლვერები, გლეხი როგორც იყო გამოექცათ, გაუყიდნია საქონელი 50 მანეთისა და მიუგზავნა ყაჩაღებს, მეტის მოცემა არ შემოძლიან და ნუ მომკლათო, მაგრამ არ მიიღეს, თუ ათი თუმანს არ მოგვცემ სხვებიც ასე მოიქცევიანო. საბრალო გლეხმა მიატოვა თავისი სახლ-კარი და ქალაქს ჩამოვიდა.

ამავე დღეებში სოფ. დუდანთ-კარში მცხოვრებ ერთ მოხუცებულ გლეხს, რადგანაც არაფერი არ აღმოაჩნდა სახლში, გააყიდვინეს მოხუცი ყანა სამ მანეთში და წაართვეს.

სოფ. ილურში მცხოვრები ერთი გლეხი 50 მანეთით დააჯარიმეს. სოფ. მონასტერში ორ მეღუქნეს სისტემატიურად ართმევდნ ღვინოს და ფულსაც რასაკვირველია. სოფ. ორქონელეების მცხოვრებთ წაართვეს ოცდახუთმეტი თუმანი ივლისის ბოლო დღეებში სოფ. ტბეთში მცხოვრებ ორ ძმას მოუტანია ყანაში მომუშავეთათვის ღვინო (ოსებში ასეთი ჩვეულება აქვთ, მოიწვევენ მუშებს, გაუმართავენ სადილ-ვახშამს, ესაა ხელფასი), გაიგოს თუ არა ყაჩაღთა ბრბომ ეს, გაგზავნა რამდენიმე კაცი და აატაინეს თავიანთთან ტყეში ეს ღვინო. 21 აგვისტოს ამავე ძმებს შუალამისას შეუტყვიდნ სახლში და მოინდომეს მათი დახოცვა, ყაჩაღებმა რაკი ეგრე ნახეს სახლში, გაჯავრებულბმა სახლს აუტყხეს სროლა. ეს ორი ძმა ქალაქში გაიქცა. 22-ს 23-ს ჯერდებიან ყაჩაღთა ბრბოები, დაიბარებენ ხოლმე სოფლიდან თითოს ან ორ კაცს, ჩვენთან უნდა იაროთ თქვენაო, საბრალო გლეხებს ორ კითხვას უყენებენ, ან ათი თუმანი (ხშირად მეტსაც მოითხოვენ ხოლმე) მოგვეცი და შენთვის წადი სახლში; ან არა და ჩვენსავით შენც იცხოვრეო. საბრალო გლეხები უიმისოდაც გაქირებულ-დამწეულები, ცხოვრებისაგან გამწარებულბები, გაიძახიან: ოღონდაც გავინთავისუფლოთ თავი ყაჩაღთა ბრბოებისაგან და თუ გინდ გავგიათყუდდეს გაქირებბაო. ვინც კი შეხედებათ ქალაქიდან მომავალი, სუფთა ტანისამოსში, ყველა სოციალდემოკრატი ჰგონიან და ეკითხებიან, რა ვქნათ, როგორ მოვიშოროთ ეს ყაჩაღები, რომ მივმართოთ მთავრობას ან ალაგმევაში დაგვეხმაროს ხომ არაფერი ცუდი არ იქნებაო?

ზემოხსენებულ კუთხეებში მცხოვრებ გლეხებს მიწების ყიდვა ძლიერ აინტერესებთ და აქაც კითხულობენ, რომ ვიყიდოთ მიწები ხომ სხვა კუთხეებში გლეხებს ამით არაფერ ზარალს არ მოუტანთ, ყიდვა რომ იყოს, საგლეხო ბანკში სჯობია, თუ ათავადანაწილო ბანკში? მიუხედავად ყველა აუტანელი ცხადების პირობებისა, გლეხები დიდად მონატრულნი არიან მას. გზონი ხდებოდეს კვლავ სახალხო კრებები (კრებები ყოველთვის მოსახერხებელია, მთავრობის მხრით თითქმის

არაფრითარა რეპრესიები არაა იმის წინააღმდეგ, — ყაჩაღები კი დიდად უშლიან კრებების მოხდენას და გაზეთების კითხვას) და თანაც დასძენენ, — „სანამ სოფლებში მოლაპარაკებები, დაიარებოდნენ, ხდებოდა სოფლის კრებები, არც ყაჩაღები გვაწუხებდნენო“. ასეთი პირობები, მოკლეთ, ზემოხსენებულ სამ ხეობაში.

შემთხვევით გამვლელი ოსი.

პროპონიკა.

დ. ხონი. ხონი არაჩვეულებრივ მიდის პროგრესის გზაზე... სულ მოკლე ხანში აქ ორი საშუალო სასწავლებელი დაარსდა: ეაქების პროგიმნაზია და ქალების კერძო გიმნაზია. ეხლა აპირებენ რკინის გზის ლიანდაგის გაყვანას სამტრედიამდე. ამის შესახებ ენერგიულად მუშაობენ საქმის ინიციატორები და, ვფიქრობ, მალე პროექტის განხორციელებას შეუდგებიან. რკინის გზის ლიანდაგი დიდ სარგებლობას მოუტანს ხონს, რადგან ირგვლივ მას ბუნებით მდიდარი ადგილები ახლავს... მოსალოდნელი იყო, სახალხო უნივერსიტეტის და რამათიულ საზოგადოების დაარსებაც; მაგრამ მოთავეებმა მალე გული აიკრუეს და ეს კეთილი განზრახვა განუხორციელებელი დასტოვეს. შარშანდღემა თეატრალურმა კომისიამ წესდება სადაც მიაგდო და თეატრის შესახებ, პირველ ორ კრების შემდეგ, ხმასაც არ იღებს...

წელს კი ახალგაზდების ერთმა ჯგუფმა თვითონ იკისრა წარმოდგენების მართვა საზაფხულო თეატრის შენობაში. ამ მიზნით მოიწვია მსახიობი ნ. გვარამძე და მისი ხელმძღვანელობით ითამაშეს შემდეგი პიესები: „ბატონი და ყმა“, „დამარცხებულნი“ (ორჯგონი), „სიკოია დენშიკი, ირინეს ბედნიერება“, „გაზაფხულის ნიღაღარი“, „ექიმი შტოკმანი“ და „სამშობლო“. წარმოდგენებს საერთოდ არა უშავდა რა, ყველაზე სუსტათ ითამაშეს „ექიმი შტოკმანი“. სცენის მოყვარეთა შორის ყურადღება მიიქცია ქ. ა. ქავჭავაძემ და ი. მამფორიამ, უკანასკნელმა კომიკურ როლებში. წარმოდგენებს, სამწუხაროთ, საზოგადოება ნაკლებათ ესწრებოდა. განსაკუთრებით არ შემოუხედნიათ თეატრში ეაქრებს და მასწავლებლებს... ამავე ჯგუფმა მოიწვია კრება, სადაც იბასეს, ხეირიანი თეატრის შენობის აგების შესახებ. კიდევ აირჩიეს კომისია, რომელმაც უნდა შეაგროვოს თანხა მომავალ თეატრისათვის. მართალია, დღევანდელ საერთო კრიზისის დროს, მეტათ ძნელია ამ საქმის განხორციელება, მაგრამ თუკომისიის წევრები ენერგიულად მოკიდებენ საქმეს ხილს, მოსალოდნელია, ახლო მომავალში თეატრის აშენებას შეუდგენ.

რუ—ილ.

ქუთაისის ქრონიკა.

ორშაბათს, 8 სექტემბერს; რკინის გზის სადგურ-ოვსაც მლოცველი დღისასწაულის გამო გელათში

აუარებელი ხალხი მიაწყდა, გაუფრთხილებლობის გამო მატარებელს ქვეშ მოყვა ქალაქის სასწავლებლის მოსწავლე ქლიკაძე და გასრისა; საბრალო ბავშვა წამსვე სული განუტევა.

— ყველა სასწავლებლებში უკვე ნორმალური სწავლა დაიწყო.

— აქაურ ქართულ გიმნაზიაში წელს ყმაწვილთა პირველი გამოსვლაა (ВЫПУСКЪ); მთავრობის წარმომადგენელი ადგილობრივ მასწავლებელთა თანადასწრებით მოსწავლეებს კლიან; წელს აქ ამთაქრებს სწავლას მძიმე ყმაწვილი; თითქმის ყველა თვალსაჩინოთ ასრულებენ გიმნაზიას და სიმწიფის მოწმობას მიიღებენ; მთავრობის მიზნით ეგზამენები აქ 15 ენკენისთვის სრულდება, რის გამოც ყმაწვილებს ეს სააკადემიო სწავლის წელი ეკარგებათ, რადგან დაავგიანეს რუსეთს წასვლა.

— ქართული გიმნაზიის უზარ-მაზარი შენობა დაიწყეს, რომელსაც თუ ხელი შეეწყოს ორი წლის შემდეგ დასრულებენ.

— 9 ენკენისთვის აუტანელ ოჯახურ პირობებით იძულებულმა ქალმა ჯინქველაშვილმა რიონში თავი დაიხრჩო. კვდარს ეძებენ.

— სწავლის ფული აქაც ისე, როგორც სხვაგან გააორკვეს, რისთვისაც ღარიბი ბავშვები გიმნაზიას მოწყდნენ, ესეც ჩვენი მამების მზრუნველობა და სწავლის საქმის ხელის შეწყობა ეროვნულ სასწავლებელში!

— ქალაქის თეატრა შედარებით შეაკეთეს, გაასუფთავეს და შედამაზეს შიგნითა და გარეთ, სეზონი უკვე დაიწყეს. დასის შედგენილობა ჯერ-ჯერობით კარგია.

— სანიტარული კომისიები მოქმედებას განაგრძობენ. მათ ყურადღებას მივაქცევ ებრაელების უბანში უსუფთაობას.

— ისევ საგრძნობელი სიცხეებია.

— ქალაქის აფთიაქში მოსამსახურე ფარმაცევტებს განუტყადეს, რომ ამიერიდან აფთიაქში მუშაობა ცხრის ნახევარ საათზე კი არ უნდა დაიწყოს, როგორც ეს გადაწყვეტილი იყო მომუშავეთაგან, არამედ რვის ნახევარ საათიდან. გამოურკვეველი მდგომარეობაა!

— ადგილობრივ ციხეებში ავადმყოფობა შესუსტდა.

— თფილისიდან გენერალ-გუბერნატორი დაბრუნდა და თავის მოვალეობის აღსრულებას შეუდგა.

გაუ მართალია?

(„შურდული“ შენიშვნის გამო.)

ჩვენი კვალის“ მე-15 №-ში ამხ. ოსს წერილი ჰქონდა მოთავსებული, რომელშიც იმ აზრს ატარებდა, რომ „ჩვენი კვალის“ გამოსვლა, როგორც ახალი მართულების წარმომადგენლის, სამწუხარო კი არა, სასიხარულოც არისო. ჩვენ ფიქრობდით, რომ ასეთი ანცხადება თითქმის ზედ მეტიც იყო, რადგან, არ

გვეგონა, თუ მოიპოვებოდა ისეთი ცოტათ თუ ბევრათ შეგნებული ამხანაგი, რომელსაც არა თუ „ჩვენი კვ.“, არამედ სხვა პროგრესულ მიმართულების ორგანოთა გამოცვლაც არა სასიამოვნოთ დარჩენოდა. დიახ, გვეგონა, რომ აზრთა სხვადასხვაობის საჭიროების წინააღმდეგ, მხოლოდ ნაკლებ შეგნებული პირები თუ ალაპარაკდებოდნენ და არასოდეს მოწინავე ელემენტები.

მაგრამ მწარეთ მოვტყუდით! დიახ, მწარეთ, რადგან თითქმის ასეთი აზრი გვესმა ჩვენ ისეთი ორგანოდან, რომლისგანაც ვერასოდეს ვერ წარმოვიდგენდით ამას. ეს ორგანო გახლავთ „შურდული“!

რაშია საქმე?

ამხ. ოსი ამბობს: „ჩვენი კვალის“ ახალ მასალას იძლევა ნაციონალურ კითხვაზე და ასეთ ორგანოს დახმარება უნდა გაუწიოთო“—(ჩვენ ამ შემთხვევაში კითხვის არსებით მხარეს არ ვეხებით. აქ სხვა რამ გვინტერესებს.)

„შურდული“ განმარტავს, რომ „ჩვენი კვალის“ აზრები განმეორებაა „ივერიის“ აზრების, რომ იქ ოტტო ბაუერის თეორიაა მოყვანილი, რომლის „პოპულიარიზაცია“ ვერცლად და დალაგებით გააკეთა შვარცმა“, და ამიტომ, ურჩევს ამხ. ოსს შევიდეს წერ. კითხ. საზოგადოებაში, მოითხოვოს „ივერია“ და მასალას გაეცნოს, ბაუერის აზრების გადაკითხვა კი, „ჩვენს გაზეთებშიც“ ადვილათ შეუძლია ოსსო და ამბობს:

„საზოგადოთ არც ერთ ორგანოში იმდენი არ იწერებოდა ნაც. კითხვაზე, რამდენიც იწერებოდა „ივერიაში“ 1905 წ. და ვისაც მართლა მასალები უნდა, ამ გაზეთს მიმართოს, საიდანაც ასე უხვად ალაგებენ თავის „ახალ აზრებს“ „ალიონისტები“. ჩვენი ფიქრით პირველი წყაროს გაცნობა უფრო სასარგებლო უნდა იყოს“. („შურდული“ № 4).

ჩვენი ფიქრით კი ეს მოსაზრება არსებითათ უკუღმართია და არასოდეს არ შეეფერება მით უმეტეს ხელმძღვანელ ორგანოს და ისიც ისეთს, როგორიცაა „შურდული“.

მართლაც, რას ნიშნავს „შურდულის“ სიტყვები: „ძველი აზრებია“, „ივერია“ „მოითხოვოს“, „შვარცმა ჩვენს გაზეთში გააკეთა პოპულიარიზაცია“ და სხ... ეს იმის თქმაა, რომ არ არის საჭირო ჩვენ კვალს“ ხელი შეეწყოს, და აქედან, ცხადია მისი არსებობაც არ არის საინტერესო! ეს აზრი გამოდის პირდაპირ „შურდულის“ შენიშვნიდან, ესლა რანაირი დასკვნების გამოყვანა შეუძლია აქედან შეუგნებულ მასალას? მან, „შურდულის“ სიტყვებით „გამხანაგებულმა“, ერთ დღეს იქნებ ბოიკოტიც კი გამოუცხადოს მას და ხელს რომ მუდამ შეუშლის, დაცინვას რომ არ მოაკლებს, ეს ცხადია. აი, ასეთი შედეგია მოსალოდნელი „შურდულის“ განმარტებიდან.

და განა ეს სასიამოვნოა? განა თუნდაც „ძველი აზრების“ მატარებელი იყოს „ჩვენი კვ.“, ან თუნდ სხვა რამელიმე პროგრესული ორგანო, შეიძლება მის

წინააღმდეგ ასეთი კომპანიის გაწევა? სად, როდის იყო, რომ მკითხველს ეუბნებოდა გაზეთი, ჩემ მოწინააღმდეგე გაზეთში არაფერი სწერია სახეირო, ის, — რასაც ეხლა იქ სწერენ, ოდესღაც ეწერა სხვაგან, „ჩვენი კვალი“ სწერია, მაშ, ნუ იწუნებთ თავს მის კითხვით და დახმარებით, „მასალები“ ივერიაში“ და „ჩვენს გაზეთებში“ ეძებეთო. ყველა ეს, შეუწყნარებელია, — უბრალო ზრდილობის მხრითაც რომ შევენოთ!

მაგრამ ამ შემთხვევაში არც ასე შეიძლება კითხვის დასმა. ფაქტიურათაც არ არის სწორი „შურდულის“ განმარტება. მართლაც, თუ ნაციონალურ კითხვაზე ოდესღაც და სადღაც იწერებოდა, განა არ შეიძლება, ან არ არის საჭირო ერთხელ დასმულ კითხვას (და გადაუტრელს!) ხელმეორეთ შევხვო და უფრო გაარკვიო ის? „შურდული“ გაიძახის: რა თავში ვიხლი „ძველი აზრების“ მატარებელ გაზეთსო. „ძველი აზრების“! გაუგებარი ფრაზაა, ღმერთმანი... თუ საქმე „სიძველეზეა“, მაშინ თვით „შურდული“ რის მაქნისია? ის ხომ იმ მოძღვრებას ავრცელებს, რომელიც, დამეთანხმებით, უფრო „ძველია“, მასზე უფრო მეტი ხანია რაც სწერენ და ლაპარაკობენ... „შურდულისთვის“ რომ ეთქვა ვისმეს, შენ რაღა საჭირო ხარ, „კვალმა“, „მოგზაურმა“ დი სხვებმა ბევრი სწერეს მაგ მოძღვრებაზეო და მიეთითებინა მკითხველისთვის აღნიშნული ორგანოების არხივზე, „შურდული“ დარწმუნებული ვართ სიცილს დაუწყებდა ასეთ აზრების მღალადებელს და პართალიც იქნებოდა, მაგრამ ჩვენ, თვით „შურდულიდან“ ასეთი აზრების მოსმენის შემდეგ არ ვიცით ვიცინოთ თუ ვიტროთ?

რომ ფაქტიურათაც სწორი არ არის „შურდულის“ განმარტება, ე. ი. რომ გამოკვეთულთ და გადაღეკილათ არ შეიძლება ჩაითვალოს ეროვნული საკითხი ჩვენში, ამის საბუთს იძლევა თვით „ხომლის“-ს 26 №-ში დაბეჭდილი მეთაური, სადაც აშკარათ ამბობს რედაქცია, რომ „ჩვენი კვალის“ აზრები მას გადაღეკილათ და დაძველებულათ არ მიაჩნია. ვერ დავწამებთ „ხომლის“ ხელმძღვანელს, რომ მას „ივერია“ არ წაეკითხოს! ცხადია წაიკითხა, მაგრამ მას არ მიუჩნევია „ივერიაში“ ნაწერი საკმაოთ. აქ „ხომლის“ და „შურდულის“ შორის აზრთა სხვა და სხვაობაა. ვინ არის მართალი? მართალია პირველი, „ხომლი“!

ასეთსავე საბუთს იძლევა ამხ. გრ. ურ., რომელსაც სასიამოვნოთ მიაჩნია რა „ჩვენი კვალის“ გამოსვლა, ურჩევს მას მხოლოდ უთანხმოების მუხლი გაარკვიოს, საკამათო კითხვა მკაფიოთ დასვას. რომ გრ. ურ.—ს „ძველ აზრებათ“ და არა საჭიროთ მიეღო „ჩვენი კვალის“ პოზიცია, ცხადია თავს არ შეიწუხებდა და სიტყვას ისიც მოკლეთ მოსჭრიდა, მაგრამ, არა...

ამნაირათ, როგორც მრავალ ამხანაგებს, ისე „ხომლს“ და გრ. ურ.—საც მიაჩნდათ და, ვფიქრობ, დღესაც მიაჩნიათ, რომ ნაც. კითხვა არც ისე გარკვე-

ულია და არც შეიძლება აქ დაკმაყოფილება „ივერიის“ მასალებით და „ჩვენს გაზეთებში“ დაბეჭდილ „პოპულიარიზაციით“. აქ საჭიროა ღრმა და სერიოზული მსჯელობა. ამას არაფერ არ უარყოფს დღეს, გარდა „შურდულისა“...

ჩვენ არ ვეკუთვნით „ჩვენი კვალის“ ნაციონალურ კითხვაში მომხრეთა ჯგუფს, შეიძლება ამ მხრით „შურდულს“ უფრო ვეთანხმებოდეთ, მაგრამ მიუხედავად ამისა, იმ გარემოებაში, რომელსაც ზევით შევნიშნეთ, ჩვენც გვაიძულა ხმა ამოგველო.

გადაქრით ვამბობთ — „ჩვენი კვალის“ არსებობა აუცილებლათ საჭიროა. ეს მით უმეტეს, რომ ის არ არის ვიწრო სპეციალური ორგანო და მასში საკმაო ადგილი ეთმობა სხვა შინაარსის წერალებსაც, რომელთაც განსაკუთრებით დღევანდელ პირობებში დიდი მნიშვნელობა აქვთ.

მაშ ასე! კამათი იდეურ ნიადაგზე საჭირო და აუცილებელიცაა, კითხვის გარკვევის თავმდებარე სწორეთ ეს არის და ჩვენი ვუსურვებთ ორივე ორგანოს ამ მხრით წარმატებას.

განსაკუთრებით „შურდულს“ კი გურჩევთ თავი ანებოს ასეთ „მანერებს“, რომელსაც ერთგვარი დემაგოგიის სუნი უდის და რაღაც პირად კინკლაობის შედეგს გვაგონებს...

პარ. სი

რედაქტორ-გამომცემელი იოსებ ბარამაშვილი.

განცხადებანი.

ყოველკვირეული საპოლიტიკო, სამეცნიერო და სალიტერატურო გაზეთი

ჩვენი კვალი

ხელის მოწერა შეიძლება: თბილისში, წიგნის მაღაზია „სორაპანი“ მაღათფის კენჭულა. ფასტით ფული და წერალები უნდა გამოიგზავნოს ამ ადრესით:

თიფლის. Редакция «Чвени Квали». Ванская ул. № 12. Рахиль Каландадзе.

1908 წ. ენკენისთვის 1-დან ქუთაისში

6. ლ. მიქელაძის ასულმა

მთავრობის ნებართვით გახსნა მე-3 ხარისხის

ქალთა სკოლა

პროფესიონალურ განყოფილებით

ასწავლიან: 1) სრულს კურსს ერთ-კლასიან სამინისტრო სკოლისას.

2) სრულს კურსს ქრა ეგრისას, სხვა და სხვა დარგის ხელთ-საქნარსა და შლიაპის ხელობას.

სწავლის ქირა წელიწადში 36 მანეთი.

თხოვნები მიიღება სასწავლებელში. ტფილისის ქუჩა, სახლი ნესმაშინის (ადრე სანიკიძის).

ელექტრო-მშენებელი ამხ. „სორაპანი“, მაღათფის კენჭული, სახლი მუხრანსკისა № 1.